

資

正法念處經

C40  
4514  
85



6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

240-4514

了翁上座請大藏及百家書置之武州紫雲山  
我微笑塔院頂府中永為學者不敢許出院內  
當山二世鐵牛機譯



B 64853

了翁上座請大藏及百家書置之武州紫雲山  
我微笑塔院頂府中永為學者不敢許出院內  
當山二世鐵牛機譯

## 正法念處經卷第六十六

### 身念處品第七之三

元魏婆羅門瞿曇般若流支譯

復次修行者內身循身觀有何等風住我身中或作安隱或不安隱彼以聞慧或以天眼見乾糞風若我多食風則不調能令苦惱入于身分筋脉之中令糞乾燥或二日三日四日五日乃一便利乾燥少穢而甚苦痛若風調順則無此病觀乾糞風已如實知身復次修行者內身循身觀有何等風住我身中或爲安隱或不安隱彼以聞慧或以天眼見兩傍風若不

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

調順爲何所作彼以聞慧或以天眼見兩傍風行于身側血則乾燥以血乾燥受大苦痛若風調順則無此病觀兩傍風已如實知身復次修行者內身循身觀有何等風住我身中或作安隱或不安隱彼以聞慧或以天眼觀何等風住我身中作何等業彼以聞慧或以天眼觀見有風名塞九孔住在身中若不調適能令九孔閉塞不通頭有七孔及大小便九孔既塞身則痛苦入息出息不得安隱若風調順令身安隱乃能行法以風持故身得去來觀九孔風已如實知身復次修行者內身循身觀彼以聞慧或以天眼

見何等風住我身中作何等業彼以聞慧或以天眼見有一風名曰斲身分風若不調順爲何所作彼以聞慧或以天眼見斲身分風若不調不順手指則癰不得造作手足皆癰脛筋急痛尤麤筋脈弦弦而急身分搖動疲極無力斲身分風若調順者則無如是所說諸病觀斲身分風已如實知身復次修行者內身循身觀有何等風住我身中或作安隱或不安隱彼以聞慧或以天眼見內有風名曰害火住在身中爲何所作彼以聞慧或以天眼見此風力能除火熱令食不消不消食故不復憶食不能食故則無顏色

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

何故無色血乾燥故以血乾燥肉則消盡肉消盡故筋則捲縮不復生脂不生脂故骨亦乾燥骨乾燥故髓亦乾燥髓乾燥故遍身精盡心中氣力風吹故動若害火風調順安隱則無如上所說病苦觀害火風已如實知身復次修行者內身循身觀有何等風住我身中作何等業彼以聞慧或以天眼見有風名作一切身分冷風爲何所作彼以聞慧或以天眼見一切身分冷風令身臭汗堅澀惡色身體皴減羸瘦毛豎身生黑瘡膿出爛臭搔扒汁流或生赤瘡或大蒸熱或生白瘡遍身麤大或復其身如白象皮麤澀生

瘡或復口齒稀疏黧黑手足生瘡猶如工師疲極頓乏身生瘡癬手足常熱堅鞭麤惡或生瘡爛爪甲惡色鼻柱萎倒眼瞯墮落人所惡賤一切施主之所惡見衆蠅封唼爪甲墮落若睡眠時氣息惛濁鼾睡大聲不欲飲食或食不消舌不得味如是一切身分冷風令身爛壞若一切身分冷風調順則顏色可變細軟滑澤衆人所敬暖汗津液出于毛孔則無如上所說諸病觀一切身分冷風已如實知身復次修行者內身循身觀有何等風住我身中或調不調作何等業彼以聞慧或以天眼見有一風名破強健住我身

中若不調順令心怯怖。一切身分皆悉苦痛。或身侹直。頻伸不樂。出息入息悉不安隱。身體振掉不能服衣。苦患頭痛。若習禪觀。不得一心。或見惡夢心悶。嘔吐于好色中。生顛倒見。近見爲遠。焦渴憔悴。若破健風調順和適。則無如上所說諸病。觀破健風已如實知身。復次修行者內身循身觀。有何等風住我身中。作何等業。彼以聞慧。或以天眼見。身觸風住我身中。或調不調。作何等業。彼以聞慧。或以天眼見。身觸風若不調適。耳中鳴喎。臂肉觸動。一切身分皆亦觸動。處處逃走不樂。一處更無餘病。若一切身觸風調順。

則無如上所說諸病。觀一切身觸動風已如實知身。復次修行者內身循身觀。有何等風住我身中。彼以聞慧。或以天眼見。有熱風住我身中。或調不調。作何等業。彼以聞慧。或以天眼見。此熱風若不調順。所食入口咽之。則燒以是因緣四大不調。不得增長。或所食味不作二流。濁穢不淨。若有淨流四大增長。惟有濁穢。則無病苦。若熱風調順。若清若濁。二種食流四大平等。故得病若熱風調順。若清若濁。二種食流四大平等。以平等故。則不爲病。觀熱風已如實知身。復次修行者。內身循身觀。有何等風住我身中。作何等業。彼以

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

聞慧或以天眼見有一風名曰集蟲此集蟲風遍身分中能散能集閉塞上下從頂至足有十種蟲一名頭行蟲二名骨行蟲三名食髮蟲四名耳行蟲五名鼻內蟲六名脂內行蟲七名節行蟲八名食涎蟲九名食齒根蟲十名嘔吐蟲復有十蟲在咽胷中一名啖食蟲二名食涎蟲三名消唾蟲四名嘔吐蟲五名十味流脈中行蟲六名甜醉蟲七名嗜味蟲八名抒氣蟲九名憎味蟲十名嗜唾蟲復有十蟲生于血肉中而行一名食毛蟲二名孔穴蟲三名禪都蟲四名赤蟲五名食汁蟲六名毛鑑蟲七名噴血蟲八名

食血蟲九名瘡瘍蟲十名酢蟲如是十蟲生于血中其蟲形相或短或圓微細無眼復有十蟲作苦痛相生于肉中一名瘡味蟲二名憒憒蟲三名閉筋蟲四名動脈蟲五名食皮蟲六名動脂蟲七名和聚蟲八名臭蟲九名汙行蟲十名熱蟲如是等蟲從肉中生復有十蟲行于黃中一名黑蟲二名苗華蟲三名大諂曲蟲四名蘇毗羅蟲五名烏蟲六名大食蟲七名行熱蟲八名大熱蟲九名食味蟲十名大火蟲如是等蟲行于癰中諸身分中有十種蟲一名舐骨蟲二名齒骨蟲三名斷節蟲四名臭蟲五名消骨蟲六名

赤口蟲七名頭頭摩蟲儿名食皮蟲九名刀風蟲十  
名刀口蟲復有十種蟲行于糞中。一名生蟲二名鍼  
口蟲三名百節蟲四名無足蟲五名散糞蟲六名三  
焦蟲七名破腸蟲八名閉塞蟲九名善色蟲十名穢  
門瘡蟲其色可惡是名糞中十種蟲也。復有十種蟲  
行脂髓中何等爲十一名毛蟲二名黑口蟲三名失  
力蟲四名大痛蟲五名煩悶蟲六名火色蟲七名下  
流蟲八名起身根蟲九名憶念蟲十名歡喜蟲如是  
等蟲遍行一切身分之中如意能行一切身中行一  
切鬼隨其行處皆作過惡是集蟲風一切身中如意

遍行此身如是以風因緣諸蟲流行觀集蟲風已如  
實知身復次修行者內身循身觀有何等風住我身  
中作何等業彼以聞慧或以天眼觀見有風名曰上  
下住在身中或安不安爲何所作彼以聞慧或以天  
眼見上下風若不調適行于五處作何等業作出人  
氣人說爲命行于心頂遍于身中自在無礙是爲風  
力第一分也若風不調能破壞身是風亦令口中多  
唾令身羸瘦飲食反胃逆嘔而出是爲風力第二分  
也住于心胸爲何所作若氣在心或憂或喜若氣從  
咽喉上至于項下入舌根隨其所念則能有語能說

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

文字思惟諸義是爲風力第三分也復有常爲身火惱亂令身流汗是爲風力第四分也是風遍身斂眼視胸動一切身思惟遍身依男女根能生子息若男女行欲如此風力能集精血能令女人體骨多力男女精血和合共集鉢羅槃身薄精之時風吹令厚而作肉搏作肉搏已次生五胞生五胞已或方或圓隨身長短識亦遍滿隨種種相譬如有人鑽酪出酥有酪有水有甕有鑽鑽之出沫知其已熟收取生酥如是風力及業煩惱能集成身亦復如是是爲第五風力分也若飲食啖味于舌根中咽喉脉中飲食充滿

乃至遍于毛根爪甲氣力增長作色香味若風不調下風上行作四種惡氣塞難出遍身苦惱若離本處一切諸根一切識中皆得惱亂喪失身命既捨身已失三種法一命二暖三識是故偈言

若捨此身時失命暖及識更無所覺知猶如瓦木石是則名爲第一惡也若不調適作第二業喘息麤重不能調順一切遍身苦惱所逼逼之苦極則捨身命是則名爲第二惡也是上行風若不調順作第三惡既惱諸根一切遍身而作惱亂喪失身命是則名爲第三惡也是上行風若不調適作第四惡或大喘息

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

或復微少或致命終或但迂身而不失命是則名曰  
第四惡也若睡眠時氣息出入以持命根如是觀上  
下風已如實知身復次修行者內身循身觀有何等  
風或安不安作何等業彼以聞慧或以天眼觀見有  
風名曰命風住在身中或令身肥或令羸瘦令心審  
諦若風不調心則輕動所知皆失曾聞亦悉忘失見  
境不了于聲不聞如是鼻不知香舌不知味身不覺  
觸意不知法不識自他觀命風已如實知身復次修  
行者內身循身觀有何等風作何等業彼以聞慧或  
以天眼見亂心風住在身中若調不調爲何所作彼

以聞慧或以天眼見于此風若我心過風不調順隨  
心所行或動或頑乾消癡亂或所食味衰流不正如  
是惱亂其心令于善法不生憂樂流汗多墮不耐冷  
觸若見色相以有病故不能如本如實見色身重難  
攝身毛皆豎若風調順則無如向所說之病觀亂心  
風已如實知身復次修行者內身循身觀有何等風  
住于身中或安不安作何等業彼以聞慧或以天眼  
見有亂風住在身中若不調順多見惡夢睡眠驚寤  
雖住溫暖而常覺冷若見城邑村落人民見爲空聚  
或見黃色少于言語不樂臥處本曾聞法皆悉忘失

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 12 3 4 9

四大惱亂其所食味住于心中無緣生厭妄見丘聚若風調順則無如上所說諸病觀亂風已如實知身復次修行者內身循身觀有何等風作何等業彼以聞慧或以天眼見視珣風住在身中若不調適不得珣目更無餘風速于如此視珣風者行一切處悉遍諸根若不調順則生此病若風調順則無如向所說諸病觀視珣風已如實知身復次修行者內身循身觀有何等風或調不調作何等業彼以聞慧或以天眼見有一風名互相閉欲命終時有五風起或調不調爲作何業彼以聞慧或以天眼見眼耳鼻舌身心

壞故于自境界色聲香味觸法中不能緣了若風不發命則不斷發則失命觀五閉風已如實知身復次修行者內身循身觀有何等風或調不調作何等業彼以聞慧或以天眼見壞胎藏風住在身中若人初識入于母胎先業因緣歌羅羅時卽壞其命若歌羅羅時不壞其命至肉搏時乃斷其命冷風入胎令其破壞若肉搏時不斷其命身分具足乃斷其命若身分具足不斷其命諸根具足乃斷其命隨其宿世殺業輕重于胎藏中而斷其命若干宿世不殺衆生如所說風不能殺害觀壞胎藏風已如實知身復次修

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

行者內身循身觀有何等風或調不調作何等業彼以聞慧或以天眼見有一風名轉胎臘住在身中或亂不亂作何等業彼以聞慧或以天眼見轉胎風以此衆生先世衆業若是男子轉爲女人或作黃門或胎中死以惡業故若干先世無諸惡業莫能爲害觀轉胎臘風已如實知身復次修行者內身循身觀有何等風住在身中作何等業彼以聞慧或以天眼見去來走擲風住在身中或亂不亂爲何所作彼以聞慧或以天眼見去來走擲風若不調順手足癰蹙身彊曲脊不能行來飲食仰他不能自食身根智慧悉

不清淨若風調順身則能行去來進止能走能擲上下騎乘觀去來走擲風已如實知身復次修行者內身循身觀有何等風或調不調作何等業彼以聞慧或以天眼見眼耳鼻舌身五根別風業之所作業風所吹一風與眼共緣四大之中風力強故故名爲風是風能令眼根四大清淨見衆色像一風耳中能令聞聲鼻香舌味身觸亦復如是如是五風如實觀之若風調順于五境界無所障礙若不調順則多障礙不能如實知于境界如是觀于眼耳鼻舌身五種風已如實知身復次修行者內身循身觀有何等風或

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

調不調作何等業。彼以聞慧或以天眼見有刀風住  
在身中或亂不亂作何等業。彼以聞慧或以天眼見  
命終時刀風皆動皮肉筋骨髓精血一切解截令  
其乾燥氣閉不流身既乾燥苦惱而死如干焰刀而  
刺其身十六分中猶不及一若有善業垂死之時刀  
風微動不多苦惱觀刀風已如實知身復次修行者  
內身循身觀有何等風或調不調作何等業。彼以聞  
慧或以天眼見鍼刺風住在身中或調不調爲何所  
作彼以聞慧或以天眼見命終時風不調順遍身諸  
節及一切脈一切筋中一切肢骨一切毛孔一切肉

中一切骨中一切髓中如燒炎鍼遍于身中來逼人  
身如百千炎鍼皆刺其身十六分中不及其一。若于  
宿世有善業者于命終時是鍼刺風則不大苦觀鍼  
刺風已如實知身復次修行者內身循身觀有何等  
風或調不調作何等業。彼以聞慧或以天眼觀見有  
風名曰惡黃住在身中若調不調爲何所作。彼以聞  
慧或以天眼見惡黃風若不調順則生黃病口中乾  
燥遍身皆黃面目爪甲一切皆黃腹脹麤大于其腹  
上青黃肌現其身無力食不能消口苦尿黃身體羸  
瘦目視眾色皆作青黃不能起止腹中常脹若黃風

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

不調則生此病。若黃風調順則無此病。觀惡黃風已如實知身。復次修行者內身循身觀有何等風或調不作何等業。彼以聞慧或以天眼見有一風名曰破腸。或調不調爲何所作。彼以聞慧或以天眼見破腸風。若不調順。若多飲食而復頻伸能破其腸。或雜骨食肉入其腸中能破其腸。食則流出腹大增長。生大苦痛不能飲食。食力少故身體微劣。手足皆腫下門蒸熱。一切身分恒熱不定。口中乾燥常見惡夢。腹中風動一念不住。若破腸風調順和適則無如向所說諸病。觀破腸風已如實知身。復次修行者內身循

身觀有何等風或調不調作何等業。彼以聞慧或以天眼見有一風名曰冷唾。若調不調爲何所作。彼以聞慧或以天眼見冷唾風。若不調順。口中味甘。其心忪忪不憶飲食。若欲坐禪則生疲怠。舌重語難。或咽喉痛氣噫臭。惡心中臭氣上衝咽喉。氣澀難出。不覺飢渴咽喉閉塞。若冷風調順則無如上所說諸病。觀冷唾風已如實知身。復次修行者內身循身觀有何等風住。在身中或調不調作何等業。彼以聞慧或以天眼見有一風名曰傷髓。住。在身中若不調順爲何所作。彼以聞慧或以天眼見傷髓風。若不調順令身

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

振动身多疲極不能遠行常多病疾顏色醜惡身體  
脢脢不能多語其心怯弱是人晝夜骨髓常疼身毛  
皆豎諸肌劣弱常患頭痛以此風故常動腦蟲以蟲  
動故猶如鍼刺若風調順則無如上所說諸病觀傷  
髓風已如實知身復次修行者內身循身觀有何等  
風住在身中或調不調作何等業彼以聞慧或以天  
眼觀見有風名曰害皮住在身中若不調順爲何所  
作彼以聞慧或以天眼見害皮風若不調順令我身  
皮其色醜惡皆悉麤澀身皮破裂設以酥油而塗其  
身速疾乾燥身體手足皆悉堅直難可屈伸夢中多

見垂墮險岸暖飲食味口中覺冷舌瘡破裂不能飲  
食若害皮風調順和適則無如向所說諸病觀害皮  
風已如實知身復次修行者內身循身觀有何等風  
住在身中或調不調作何等業彼以聞慧或以天眼  
見有一風名曰害血住在身中若不調順爲何所作  
彼以聞慧或以天眼見害血風住在身中若不調順  
行于肺中作二種過或上或下若血上行令眼耳鼻  
血脈不調諸大不安大不安故身體失力顏色麤惡  
不能去來鼻中常臭同梵行者不與同行同處而坐  
若血下行至大小便流血而下作三種過一者痔病

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

二者苦惱三者下血若害血風和順調適則無如上  
所說諸病觀害血風已如實知身復次修行者內身  
循身觀有何等風住在身中或調不調作何等業彼  
以聞慧或以天眼觀見有風名曰害肉住在身中若  
不調順爲何所作彼以聞慧或以天眼見害肉風若  
不調順令人身中生諸癰病臭惡遍身破已臭惡多  
有濃汁耐冷惡熱不耐辛苦宜輕甜冷一切身動臭  
爛流出若風調順則無如何所說諸病觀害肉風已  
如實知身復次修行者內身循身觀有何等風住在  
身中或調不調作何等業彼以聞慧或以天眼觀見

有風名曰害脂若不調順作何等業彼以聞慧或以  
天眼見害脂風若不調順令脂增長身生胞肉高下  
不平堆阜凹凸或堅或滑或有頑癰無所覺觸若害  
脂風和順調適則無如上所說諸病觀害脂風已如  
實知身復次修行者內身循身觀有何等風住在身  
中或調不調作何等業彼以聞慧或以天眼見害骨  
風若不調順爲何所作彼以聞慧或以天眼見害骨  
風若不調順令骨疼痛其聲破散晝夜不睡項頸疼  
痛一切筋骨皆緩不治筋骨無力身常疼痛極苦  
惱不能起止無一念樂若風調順則無如何所說諸

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

病觀害骨風已如實知身復次修行者內身循身觀有何等風住于身中或調不調作何等業彼以聞慧或以天眼見有一風名曰害精住在身中若不調順爲何所作彼以聞慧或以天眼見害精風若不調順誑惑于人若人眠睡戲弄于人示人種種諸惡之念以妄想心作非梵行風不調故夜行鬼女虛誑破實夢爲其犯令不憶食觀害精風已如實知身復次修行者內身循身觀有何等風住在身中或調不調作何等業彼以聞慧或以天眼見有一風名曰皺風住在身中若不調順爲何所作彼以聞慧或以天眼觀

于皺風若不調順若足下足上若腨若胫若膝若背若脇若乳若咽若項若肩若臂若耳若眉一切身分皆悉皺減其身淡皺或開或合其足尸破設油塗身尋卽乾燥令如老人觀皺風已如實知身復次修行者內身循身觀有何等風住在身中或調不調作何等業彼以聞慧或以天眼觀見有一風名曰白髮住在身中若不調順爲何所作彼以聞慧或以天眼觀白髮風若不調順能令少平髮白羸瘦猶如老人若在家人所生之子如父速老其子病故無復子孕以風力故令平少者如老無異是白髮風起于惡劫隨

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

諸衆生不順法行風則增長若有福德風則調順若無福德風則不調觀白髮風已如實知身復次修行者內身循身觀有何等風或調不調作何等業彼以聞慧或以天眼見有一風名曰損脈住在身中若不調順爲何所作彼以聞慧或以天眼觀損脈風若不調順不憶飲食令人衰弱不喜脈食病之所起因于晝寢風不調順不樂甜食嗜苦醉味若不食脈風則調順身不疲極觀害脈風已如實知身復次修行者內身循身觀有何等風住在身中或調不調作何等業彼以聞慧或以天眼見有淋風住人身中若不調順爲何所作彼以聞慧或以天眼見淋病風若不調順常多淋瀝不能如意身體無力其出入息麤濁不調身色痿黃羸瘦憔悴若風調順則無如向所說諸病觀淋風已如實知身復次修行者內身循身觀有何等風作何等業彼以聞慧或以天眼見有一風名食相應風若不調順爲何所作彼以聞慧或以天眼見食相應風若不調順所食四分五分之中三分嘔吐令人心亂失于食力不能視物以風力故意法不定若風調順則無如向所說諸病觀食相應風已如實知身復次修行者內身循身觀有何等風住在身中

上  
正  
卷之二  
三  
東京大學総合図書館所蔵

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

或調不調作何等業。彼以聞慧或以天眼見有一風名壞牙齒。住在身中爲何所作。彼以聞慧或以天眼見壞牙風。若不調順牙齒疼痛毀壞墮落斷中血爛脣中生瘡。上齶生瘡鼻塞不通。若風調順則無如向所說諸病。觀壞牙齒風已。如實知身。復次修行者內身循身觀有何等風住在身中。或調不調作何等業。彼以聞慧或以天眼見有一風名曰喉肌。住在身中。若不調順爲何所作。彼以聞慧或以天眼見喉肌風。若不調順令咽喉痛。或咽喉腫。或其聲歇歇。若風調順則無如向所說諸病。觀喉肌風已。如實知身。復次

修行者內身循身觀有何等風住在身中。或調不調作何等業。彼以聞慧或以天眼見有一風名曰下行住在身中。或調不調爲何所作。彼以聞慧或以天眼見下行風。若不調順令食過惡力少不消。飲食消故皮肉骨髓精血增長。若食不消風冷黃病悉不調順是下行風。若不調順則失食力。食力少故顏色憔悴。若風調順則無如向所說之病。觀下行風已。如實知身。復次修行者內身循身觀有何等風住在身中。或調不調作何等業。彼以聞慧或以天眼見有一風名曰上行住在身中。爲何所作。彼以聞慧或以天眼見

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

上行風住于頂上若風調順從頂而出猶如煙氣從上而出若住目中若住陰中若晝若夜常出不斷凡人皆見若風不調則氣不出若頂氣斷已三日不出決定命終觀上行風已如實知身復次修行者內身循身觀有何等風住在身中或調不調作何等業彼以聞慧或以天眼見有傍風住在身中若調不調爲何所作彼以聞慧或以天眼見于傍風若不調順閉出入息一切筋脈皆令掣縮或聚或散或牽或挽或鼻瞞動或噦噦作聲後得大苦若傍風調順則無如向所說之病觀傍風已如實知身復次修行者內身

循身觀有何等風住在身中或調不調作何等業彼以聞慧或以天眼見有一風名曰轉筋住在身中若不調順爲何所作彼以聞慧或以天眼見轉筋風若不調順令手筋腳筋大小便筋背筋遍身諸筋皆悉捲并合爲一處堅急頑鈍無所覺知若風調順則無如向所說諸病觀轉筋風已如實知身復次修行者內身循身觀有何等風住在身中若調不調作何等業彼以聞慧或以天眼見有一風名曰壞毛住在身中若調不調爲何所作彼以聞慧或以天眼見壞毛風若不調順一切身分所有諸毛皆悉墮落身體痿

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

黃設更生毛卽隨墮落。若風調順則無如向所說諸病。觀壞毛風已如實知身復次修行者內身循身觀有何等風住在身中。若調不調作何等業。彼以聞慧或以天眼見有一風名似少風。若風調順爲何所作。彼以聞慧或以天眼見似少風。以調順故十時風力形顏色力屈伸俯仰分分相似。若風不調于其身中心意流脈則便擾動而發狂癡心亂不正。若其心意流脈調順則不狂亂。觀似少風已如實知身復次修行者內身循身觀有何等風住在身中。若調不調作何等業。彼以聞慧或以天眼見有一風名嗜睡眠。若

不調順爲何所作。彼以聞慧或以天眼見睡眠風。若不調順于聽法時令人惛睡。聞不善法心則樂聞。若晝若夜欲正觀營則爲所亂。樂至酒肆。若風調順則無此病。觀睡風已如實知身復次修行者內身循身觀有何等風住在身中作何等業。彼以聞慧或以天眼見有一風名曰瞋風。住在身中若不調順爲何所作。彼以聞慧或以天眼見瞋恚風。若不調順以少因緣而起大瞋爲瞋。所使一切世人起大瞋怒。身毛皆豎心衝動亂所見不了。以近爲遠。見于日月。生顛倒心謂日爲月。以月爲日。若風調順則無此病。觀瞋風

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

已如實知身復次修行者內身循身觀有何等風住  
在身中作何等業彼以聞慧或以天眼見有一風名  
曰名字若調不調爲何所作彼以聞慧或以天眼見  
名字風若其調順能有言說緣心數法舌風言說隨  
心而行能說無量名字句義如是舌說名字之風若  
不調順則少言語或口瘡不語觀舌名字風已如實  
知身

## 正法念處經卷第六十六

校譌

觸

六葉十六行九葉六七行

四搏字北藏並譌作揣  
並非字今竝改正作搏  
今竝改正作搏  
十九葉十一行依上下文正作諸  
諸字北藏作之字今

九葉六七行

音釋

癮

捗

掣

鞭

瞷

眴

凸

捱抒體

墮瘡鉗

啖舐

新野信官馬之駿助刻于寒山化城菴

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

正法念處經卷第六十七

身念處品第七之四

元魏婆羅門瞿曇般若流支譯

復次修行者內身循身觀有何等風住住身中若調不調作何等業彼以聞慧或以天眼見有一風名曰壞味住住身中若不調順爲何所作彼以聞慧或以天眼見壞味風若不調順令人舌中嗜甜蟲動以蟲動故一切好食美饌悉不能食以不食故身體劣弱不能讀誦修學禪思及修善法身不調故心不樂法名色互相因緣而住猶如束竹相依而住相依力故

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

如是名色。各各相依。如是行聚食因緣住。如水和麩。  
 名爲麩漿。各各有力。名色得住。若風調順。則無如向  
 所說之病。觀壞味風已。如實知身。復次修行者。內身  
 循身觀。有何等風住。在身中。若調不調。作何等業。彼  
 以聞慧。或以天眼見。有一風。名曰晡過。住在身中。若  
 調不調。爲何所作。彼以聞慧。或以天眼見。晡過風。若  
 不調順。食欲消時夜。則患痛。令食醉氣。乃至食消。一  
 切身體。皆悉無力。脈如絏縛。若風調順。則無如向所  
 說諸病。觀晡過風已。如實知身。復次修行者。內身循  
 身觀。有何等風住。在身中。若調不調。作何等業。彼以

聞慧。或以天眼見。有一風。名臭上行。若調不調。爲何  
 所作。彼以聞慧。或以天眼見。臭上行風。令身鼻口。一  
 切皆臭。能令臭氣從毛孔出。從于熟臍上。衝生臍。令  
 一切身堅硬大苦。食不消化。不能坐禪晝夜。不能修  
 行善法。若上行臭風。和順調適。則無如同所說之病。  
 觀上行風已。如實知身。復次修行者。內身循身觀。有  
 何等風住。在身中。若調不調。作何等業。彼以聞慧。或  
 以天眼見。有一風。名大便處。若調不調。爲何所作。彼  
 以聞慧。或以天眼見。大便風。若不調順。于三肉胞。則  
 成痔病。所下之血。如赤豆汁。身體燒熱。惛嗜睡眠。筋

6 7 8 9 10 1 2 3 4 5

6 7 8 9 20 1 2 3 4 5

6 7 8 9 30 1 2 3 4 5

6 7 8 9 30 1 2 3 4 5

脈拘急食不能消。舌不得味。若風調順則無此病。觀大便處風已如實知身復次修行者內身循身觀有何等風住在身中。若調不調作何等業。彼以聞慧或以天眼見有一風名曰忘念住在身中。若調不調爲何所作。彼以聞慧或以天眼見忘念風若不調順令念忘失習誦多忘不能憶持于四方面所見顛倒已過之事忘失不憶。所食速飢而不能食。身毛麤澀爪甲亦然。不耐寒熱所念隨忘。若風調順則無如是。所說之病觀忘念風已如實知身復次修行者內身循身觀有何等風住在身中。若調不調作何等業。彼以

聞慧或以天眼見有一風名曰生力住在身中。若不調順爲何所作。彼以聞慧或以天眼見生力風若不調順雖復多食美饍飲食身常無力。如毒壞身以風不調故有此病。若風調順則無此病。觀生力風已如實知身復次修行者內身循身觀有何等風住在身中。或調不調作何等業。彼以聞慧或以天眼見有一風名生身心力住在身中。若不調順爲何所作。彼以聞慧或以天眼見生身心力風若風調順始從胎中身心漸增。令心強健以風調故知作不作。久時所作皆能念知。去來進止強健不怯。耐于飢渴寒熱眾苦。

6 7 8 9 10

20

1 2 3 4 5 6 7 8 9 30

1 2 3 4 5 6 7 8 9 10

身體充滿其身頭髮不非時白。若不調順則失此法觀。生身心力風已如實知身。復次修行者內身循身觀。有何等風住在身中。或調不調作何等業。彼以聞慧。或以天眼見。有一風名曰妨咽喉語。住在身中。若不調順爲何所作。彼以聞慧或以天眼見妨咽喉語。風若不調順則生身病。以餘不調則便失音。或時耳聾。或手足癱躄。或身曲偃僂。兩目失明。以風不調。生如是病。觀妨咽喉語風已如實知身。復次修行者內身循身觀。有何等風住在身中。若調不調作何等業。彼以聞慧或以天眼見。有一風名曰睡風。若不調順爲何所作。彼以聞慧或以天眼見。有睡風。若不調順。所見顛倒惱亂流脈。令其動變。一切骨節皆悉疼痛。觀睡風已。如實知身。復次修行者內身循身觀。有何等風住在身中。若調不調作何等業。彼以聞慧或以天眼見。有一風名曰持命。住在身中。若調不調。爲何所作。彼以聞慧或以天眼見持命風。若不調順。令人失命。捨于覺知。一切衆生第二之命能持于身。依于識心。以不調故能斲人命。依持一切衆生命根。若風調順則不失命。觀持命風已。如實知身。復次修行者內身循身觀。有何等風住在身中。若調不調作何等

6 7 8 9 10 1 2 3 4 5 6 7 8 9

20 1 2 3 4 5 6 7 8 9 30

1 2 3 4

經 十一

四

卷十七

業。彼以聞慧或以天眼見有一風名曰損壞。一切身  
分住。在身中。若不調順爲何所作。彼以聞慧或以天  
眼見壞身風始從住胎。以此風力令其身分破壞。損  
傷身曲偃脊。凸臆戾體。若風調順則無此病。觀壞身  
風已。如實知身。復次修行者內身循身觀有何等風。  
住在身中。作何等業。彼以聞慧或以天眼觀見有風。  
名曰攝皮。住在身中爲何所作。彼以聞慧或以天眼  
見攝皮風。若爲外風所觸。若冷若熱。若香若臭。或下  
或上。或大力小力。隨時來觸。悉能覺知。觀攝皮風已。  
如實知身。復次修行者內身循身觀復有何風住于  
身中。彼以聞慧或以天眼離于垢濁清淨所緣離疑  
度。疑度于曠野。如實不疑于此身中更無異風。此風  
聚集此風和合。如此風流緣于根界共業煩惱和合  
而住。能持于身。或爲妨害。是修行者遍觀一切身內  
諸風。具足見已。厭離欲心。愛不能壞。不入魔境。近于  
涅槃。以智慧日破無始流轉貪嗔癡闇離疑曠野。不  
染色聲香味觸等。于境界中如實見之。一切三界皆  
悉無常苦空無我。如實見之。如是那羅帝婆羅門長  
者聚落修行比丘。如實知此樂修身念知生滅法。不  
念餘觀。觀一切身。知一切縛及以解脫。

6 7 8 9 10 1 2 3 4 5 6 7 8 9

20 1 2 3 4 5 6 7 8 9

30 1 2 3 4 5 6 7 8 9

復次修行者復以異法觀答是身失壞盡滅云何此身當失壞邪于命終時云何風蟲能壞此身云何惱亂于一切界。幾時命終云何上下逆順風吹如是比丘內身循身觀彼以聞慧或以天眼見臨終時。一切諸蟲先被惱亂蟲既死已人乃命終一切有爲決定失壞如是死法必當有此堅牢大惡如是比丘觀于頭中有十種蟲爲風所殺。一名頂內蟲爲足甲風之所殺害。二名腦內蟲爲兩足傍風之所殺害。三名觸膜骨蟲爲不覺風之所殺害。四名食髮蟲爲破骨風之所殺害。五名耳內行蟲爲行蹈地風之所殺害。

六名流涕蟲爲于跟風之所殺害。七名脂內行蟲爲破脛風之所殺害。八名交牙節蟲。九名食涎蟲爲破足腕節風之所殺害。十名食齒根蟲爲破脣骨風之所殺害。十一復有十種蟲行于咽喉下至胸中爲風所殺何等爲十。一名啖食蟲。二名食涎蟲爲破力風之所殺害。三名消唾蟲。四名嘔吐蟲。五名行十味流胤蟲爲行轉風之所殺害。六名甜醉蟲爲害節風之所殺害。七名嗜味蟲爲破毛爪甲屎風之所殺害。八名抒氣蟲爲正跳風之所殺害。九名憎味蟲爲破壞風之所殺害。十名嗜睡蟲爲泡中風之所殺害。十一復有

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

七種蟲住于血中爲風所殺。一名食毛蟲爲乾葉風之所殺害。二名孔行蟲爲二傍風之所殺害。三名禪都蟲爲六竅風之所殺害。四名赤蟲爲斷身分風之所殺害。五名蛔母蟲爲惡火風之所殺害。六名毛鎧蟲爲一切身分風之所殺害。七名喎血蟲。八名食血蟲爲破健風之所殺害。九名瘡瘍蟲爲一切身動風之所殺害。十名醉蟲爲于熱風之所殺害。生于血中。其形短促團圓無足。微細無眼能作身痒。憊憊而動其蟲味鹹于人死時。如是等蟲爲風殺已。血則乾燥其人卽死。是故人說死人無血。血欲乾故得大苦惱。

臨命終時心懷大怖。受大苦惱恐捨此身。行于異處捨離族親知識兄弟妻子財物。癡愛無智。愛結所縛無有救護。無善法伴。惟獨一身。一切身分血脉乾燥受于身心二種大苦。復次修行者內身循身觀有何等蟲爲風所殺。得何苦惱。彼以聞慧或以天眼見十種蟲住在肉中。何等爲十。一名生瘡蟲。爲于行風之所殺害。二名刺蟲。爲上下風之所殺害。三名閉筋蟲。爲于命風之所殺害。何故名之。以爲命風若出身中人卽命盡故名命風。四名動脈蟲。爲于開風之所殺害。五名食皮蟲。爲亂心風之所殺害。六名動脂蟲。

6 7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

爲惱亂風之所殺害。七名和集蟲爲視昫風之所殺害。八名臭蟲。九名汙蟲。十名熱蟲爲于閉風臨命終時五閉風之所殺害。四十復次修行者內身循身觀云何死時白汗流出。如是諸蟲行于瘡中。何風所殺是修行者觀十種蟲行于瘡黃中。何等爲十。一名瘤瘤蟲爲壞胎臟風之所殺害。若男若女欲命終時此風斲肌。二名惙惙蟲爲轉胎臟風之所殺害。若男若女令失氣力。或于口中出一掬黃猶如金色。三名苗華蟲爲去來行住風之所殺害。四名大諂蟲。五名行孔穴黑蟲。六名大食蟲。七名行熱蟲爲壞眼耳鼻舌身。

風之所殺害。如是次第。九名大熱蟲爲于刀風之所殺害。九名食味蟲爲鍼刺風之所殺害。十名大火蟲爲惡黃風之所殺害。五十復次修行者內身循身觀。觀于骨蟲臨命終時爲何等風之所殺害。彼以聞慧或以天眼見一切身分骨內有十種蟲何等爲十一。一名舐骨蟲爲黃過風之所殺害。二名呀骨蟲爲于冷風之所殺害。三名斲節蟲爲傷髓風之所殺害。四名赤口臭蟲爲傷皮風之所殺害。五名消骨蟲爲傷血風之所殺害。六名赤口蟲爲傷肉風之所殺害。七名頭頭摩蟲。九名食皮蟲爲傷骨風之所殺害。九名風刀

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

蟲爲害精風之所殺害。十名刀口蟲爲皮皺風之所殺害。十六復次修行者內身循身觀。觀屎中蟲臨命終時爲何等風之所殺害。彼以聞慧或以天眼見十種蟲何等爲十。一名生蟲爲生力風之所殺害。二名鍼口蟲爲傷汗風之所殺害。三名百節蟲爲于淋風之所殺害。四名無足蟲爲傷汗風之所殺害。五名散葉蟲爲破齒風之所殺害。六名三焦蟲爲喉脈風之所殺害。七名破腸蟲爲下行風之所殺害。八名閉食消蟲爲上行風之所殺害。九名黃蟲爲二傍風之所殺害。十名消重食蟲爲轉筋風之所殺害。是風及蟲令

糞乾燥惱亂諸界。互相動發。互相衝擊。風皆上行惱身界已破壞。斷氣托攬其身。令其乾燥。奮力殺之人死之時受大苦惱。無法可諭。一切世人皆當有死決定無疑。十七復次修行者內身循身觀。觀體中蟲臨命終時爲何等風之所殺害。彼以聞慧或以天眼見于體中有十種蟲何等爲十。一名毛蟲爲害髓風之所殺害。二名黑口蟲爲似少風之所殺害。三名無力蟲爲睡見亂風之所殺害。四名痛惱蟲爲不忍風之所殺害。五名心悶蟲爲舌名字風之所殺害。六名火色蟲爲于緊風之所殺害。七名滑蟲爲于嘔風之所殺

害。九名下流蟲爲臭。上行風之所殺害。九名起身根蟲爲穢門行風之所殺害。十名憶念歡喜蟲爲忘念風之所殺害。<sub>九</sub>復次修行者內身循身觀已見無常不淨無我前已一蟲爲傷肺風之所殺害如是等蟲臨命終時爲風所殺如是比丘內身循身觀以無漏明斷除無始流轉闇黑畢竟常滅以世間相似業而得此法以其久修七種之念現前見故何等爲七。二者念佛二者念法三者念僧四者念戒五者念天六者念佛七者念無常復次修行者內身循身觀觀死者念死。一切業彼以聞慧或以天眼觀死四種所謂幾種壞一切業。地大不調水大不調火大不調風大不調云何地大不調而斷人命若地大不調身中風氣地大堅故舉身皆閉互相破壞互相逼惱譬如二山堅如金剛于二山間置生酥搏有大黑風吹此二山互共相擊壓生酥搏地大風大如彼二山一切身命皮肉骨血脂髓精氣身篋盛之猶如生酥爲地大風大打壓加害破壞身界得大苦惱不能念佛念法念僧現陰將盡爲中陰繫相續不斷一切愚癡凡夫之人以心相似相續緣生如印所印死亦如是現陰將盡以相似心生亦相似以心獮猴因緣力故受諸生死復次修行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

者內身循身觀。觀命終時云何水大不調。令我及一切愚癡凡夫而喪身命。彼以聞慧或以天眼見水大不調舉身筋脈。一切皮肉骨血脂髓精氣我及衆生臨命終時。一切皆爛爛血流出互相逼迫。一切皆動如兩山壓亦如前說。以生酥搏置于海中。黑風所吹。洪波相擊不可止住。無堅無牢。如是水大破壞其身。亦復如是。不能復念佛法僧寶餘念之心相續不斷。一切愚癡凡夫緣心相似而受生身如印所印。于命終時現陰既盡。受相似生亦復如是以心獮猴而受生死。引入生死。復次修行者內身循身觀。云何火大。

不調而斲人命。彼以聞慧或以天眼見命終時火大不調。一切身肌一切諸筋。一切輔筋皮肉骨血脂髓及精。一切燒煮熱燄熾然譬如燒干佉陀羅炭火聚如山。投以生酥燒之燄起。如是身者猶如酥搏投之死苦亦復如是。不能復念佛法僧寶。現陰將盡心念相續。一切愚癡凡夫以心緣念相似受生如印所印于命終時現陰既盡而心受生亦復如是以心獮猴因緣力故而受生死。復次修行者內身循身觀。云何死時風大不調。而斲人命。彼以聞慧或以天眼見臨終時風大不調。一切身分。一切筋脈。一切身界所謂。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

皮肉骨血脂髓精氣皆悉散壞乾燥無膩互相割裂從足至頂分散如沙譬如酥搏黑風所吹散壞失膩于虛空中分散如沙人命終時風大不調死苦所逼亦復如是不能復念佛法僧寶一切凡夫盡有緣心相續而生如印所印于命終時有盡心生亦復如是以心獮猴因緣力故而受生老病死之身是名四大不調有四種死行者見已觀營無常苦空無我如是見已不近魔境近涅槃道于染愛色聲香味觸不樂不著不起愛心離于塵垢離于曠野不著色聲香味觸不起色慢不持少季不持命慢不善多語不入城邑無所偏著常念死畏于微細罪心生怖畏如實知身知生滅法于一切染欲心得厭離樂行正法心不懈怠如是那羅帝婆羅門長者聚落修行比丘觀營修行

復次修行者內身循身觀云何修行觀内外身所謂觀外法已觀于內身循身觀觀營種子如種生芽從芽生莖從莖生葉從葉生華從華生實是名外觀復次修行者觀于內身前識種子共業煩惱入不淨中名安浮陀從安浮陀名歌羅羅從歌羅羅名曰伽那從伽那時名爲肉搏從于肉搏生于五胞所謂兩手

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

正法念處經卷之十一

十二

竟七

兩足及頭從于五胞生于五根如是次第乃至老死復次修行者外身隨順觀云何艸木前見青綠後漸變黃終時墮落身亦如是初見嬰兒次至中年漸至于老老則歸死復次修行者外身隨順觀外諸種子云何生邪從地生于一切藥艸及以叢林而得增長彼以聞慧或以天眼見是諸法各各因緣各各力生若內若外一切有爲除三種法所謂數緣無爲非數緣無爲虛空無爲云何諸法各各方轉所謂無明緣行行緣識識緣名色緣六入六入緣觸觸緣受受緣愛愛緣取取緣有有緣生生緣老死憂悲苦惱

如是一切大苦聚集若無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱大苦聚滅如是惟有大苦聚滅如是諸法若內若外互相因緣而得生長如是修行者內身循身觀三種外身界隨順觀觀內如外觀外如內如實觀答如是修行者觀內外法先觀間浮提爲增長正法修內法觀分別觀答一一觀答人天合觀別觀無覺內因于外一切四大外因于內心心數法有內法外法增長若有內法內法正

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

了。若內法增長見外則了云何內法因外增長牀褥臥具病瘦醫藥所須之物皆悉具足比丘則能增長善法若無臥具病瘦醫藥不能增長一切善法無心希求。如是內外互共相因而得增長非有作者非常不變非無因生復次修行者觀于外身云何一切三界衆生外法因緣而得增長有一法增長一切有爲所攝衆生有四種食何等爲四一名搏食二名思食三名觸食四名識食欲界之食四大種子因于外食而得增長內善禪樂是名初觀外法增長內法云何外法增長內法彼以聞慧或以天眼觀劫初時衆生所食何因何緣凡分具足何等凡分所謂愛味色聲愛聲樂軟堅固色類外法者謂牀褥臥具湯藥能增長身樂修善法。如是修行者外身隨順觀若蚊蟲蟻等不惱觸身內法增長若風雨寒熱若不妨礙得求內法若聞不愛不樂醜惡之聲聞之無礙名增內法若聞臭氣不可愛樂不以爲礙名增內法若聞愛香無所障礙名益內法五根皆悉內因外入有五內入是名外身觀賢聖弟子如實知身復次修行者觀于外身云何六識而取于法彼以聞慧或以天眼見于外法無所障礙則能知法何等六識所謂眼識耳識

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

鼻識舌識身識意識是名內法了知外法是內外法互相因緣譬如飛鳥游于虛空隨其所至影常隨身內外諸入亦復如是若一切身一切內法增長心亦增長心爲一切法之因緣各各相因而有諸法如是修行者不見一法是常不變不破壞者

復次修行者外身隨順觀觀閻浮提人壽命云何減損云何增長彼以聞慧或以天眼見劫初時光音諸天下閻浮提食于地皮如三十三天須陀之味以劫初時人善心故地皮如色好香善觸離一切過衆人食之壽命凡萬四千歲惟有三病一者飢二者渴三者希望至第二時如是人等以不善心取于地皮遂令地皮穢濁不淨所謂飢渴及以希望欲命終時熱病而死如是觀閻浮提人因于外食而得壽命無病無惱復次修行者外身隨順觀云何閻浮提人于第三時一切因食而得色命彼以聞慧或以天眼觀第三時地皮皆滅以食過故風冷熱等皆不調順無量病起一切有爲行聚外食因緣內入增長由內因緣外法增長觀外身因內法緣外復次修行者隨順觀外身云何第四鬪時閻浮提人食何等食彼以聞慧或以天眼見閻浮提人于鬪戰時食于莠子或食

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

鵠豆或食魚肉或食菜根。一切好味皆悉滅沒。多有病苦。非時而老于鬪戰時。人無氣力。復次修行者。外身隨順觀。云何劫初時閻浮提人壽命長短。彼以聞慧。或以天眼見劫初時閻浮提人壽命凡萬四千歲。身長五百弓。今人身長一弓復次修行者。外身隨順觀。云何閻浮提人于第二時壽命色量。彼以聞慧。或以天眼見閻浮提人于第二時壽命四萬歲。人之身量長二百弓。復次修行者。外身隨順觀。云何觀于閻浮提人于第三時壽命色量。彼以聞慧。或以天眼見閻浮提人于第三時其人壽命一萬歲。人之身量長一百弓。

復次修行者。外身隨順觀。觀閻浮提人壽命色量。彼以聞慧。或以天眼見閻浮提人于鬪戰時。其人壽命受一百歲。身長一弓。復次修行者。隨順觀外身觀未劫時無十善時。一切人民但自擁護無福德時。云何壽命壽幾許命。彼以聞慧。或以天眼見于惡世無法之時。一切好味皆悉磨滅。所謂鹽酥及安石榴蜜與石蜜甘蔗杭糧。六十日稻。如是等味。世間勝者。一切皆滅。一名赤稻。次名烏將來稻。次名飛蟲稻。次名迦吒波稻。次名赤芒黃米稻。次名易洛稻。次名斑稻。次名白真珠稻。次名速稻。次名鐵芒稻。次名垂穗稻。次

6 7 8 9 10 11 2 3 4 5 6 7 8 9 20 11 2 3 4 5 6 7 8 9 30 12 3 4 5

名赤色稻次名朱吒迦稻次名樹稻次名水陸稻次  
名陸地稻次名正意稻次名海生稻次名雙穟稻次  
名等笑稻文名焦熟稻文名鶡鷙不食稻次名日堅  
稻次名命稻次名一切處生稻次名師子稻次名無  
垢稻次名大輕稻次名一切生稻次名大力稻次名  
生香稻次名割地稻次名罽賓稻次名山中稻次名  
近雷山生稻次名離縛稻次名迦陵稻次名大迦陵  
伽稻次名如雪稻次名大貝稻次名善德稻次名流  
稻次名不學稻次名不曲新陀稻次名負黑稻次名  
波斯主稻次名多得稻次名鴉伽梨稻次名量稻次

名長稻次名雜稻次名非人稻次名惠稻次名日種  
稻次名摩伽陀稻次名水沫稻次名時生稻次名無  
穠稻次名第一稻次名暖稻次名漢稻次名黃色稻  
次名婁薩羅稻次名縛稻次名舌愛稻次名灑稻次  
名堅稻次名須陀稻次名麥色稻十七次名少稻次名  
六種藏稻次名無皮稻次名甜稻次名黑色稻次名  
青色稻如是稻中有二種子一者自生二者種植及  
餘一切香華于惡世時盡皆滅沒以滅沒故闇浮提  
人皮肉脂骨悉皆減少一切身骨矬陋短少食味薄  
故一切內外互相因緣皆悉耗減是修行者如是外

觀一切無常無樂無淨無我亦無作者非無因生非異因生非是一作亦非二作非三非四非五非六表見外道之所造作如是觀外境界隨順身觀如是修行者觀初後時如上廣說如實隨順觀于外身

復次修行者隨順觀外身云何觀四天下山河城邑國土海魚由旬之身須彌山王四面大洲謂閻浮提國鬱單越國弗婆提國瞿陀尼國有九大地獄餓鬼畜生六欲諸天如是隨順觀于外身復次修行者初觀閻浮提東方大海山河國土彼以聞慧或以天眼見有大山名曰無滅高十由旬縱廣三十由旬于此

山中有恒伽河有國名迦尸復有二河一名安輸摩河二名毗提醯河橋薩羅國有六國土多他喬伽國名毗提醯國廣百由旬安輸國廣三百由旬迦尸國一萬四千聚落城廣二由旬金蒲羅國人民衆多林樹具足那梨哎樹多羅樹多摩羅樹莊嚴其城併殊羅樹波那娑樹多有眾果是修行者復觀異人謂取衣人賒槃羅人穿其脣口以珠莊嚴駝面人其國縱廣一百二十由旬觀彼國土隨順觀外身復觀閻浮提山河聚落彼以聞慧或以天眼見盧醯河出併羅山廣三由旬長百由旬入于東海多有人民城邑

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

莊嚴復次修行者隨順觀外身闇浮提中何等山河。彼以聞慧或以天眼見有大山名彌斫迦高一由旬長一百由旬復有一山名爲高山高五由旬長百由旬山上有池池有大石廣半由旬其池有河長二百由旬入于大海復次修行者隨順觀外身闇浮提中何等異河。彼以聞慧或以天眼見闇浮提中有一大河名迦毗梨多。有大華莊嚴其河謂迦多岐華般遮華阿殊那華迦陀摩華南摩梨迦華阿提目多迦華以爲莊嚴復有第二河名瞿摩帝以多饒牛故名牛河如是二河廣半由旬長三百由旬入于大海復次

修行者隨順觀外身闇浮提中復有何等山河。彼以聞慧或以天眼見闇浮提有山名曰生金其山有河名婆羅婆帝河邊有城名俱尸那其河不駛洋洋而流其山方圓三十由旬山中有人名哎羅陀邊地惡人心無慈愍其山復有取衣之人住在其中善能水行于大海水能過能度山水饒魚以宿習故惟食血肉以自存活復次修行者隨順觀外身過闇浮提復有何等山海渚邪彼以聞慧或以天眼見有寶山住于海邊高十由旬種種眾寶之所成就所謂青寶大青寶王金剛碑碣赤蓮華寶以爲莊嚴往昔有諸法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

行商人入于大海爲大風力將至寶山其大海水廣萬由旬海中多有提彌魚提彌鯢羅魚失收摩羅魚捉影魚不爲其難得度大海至金壁渚真金爲地諸羅刹等住在此渚其形可畏有大勢力過此渚已復有一海廣二千由旬過此海已復有一山名曰二二其山三峯高七由旬縱廣三百由旬七寶莊嚴青寶金剛青毗瑠璃碑碣諸寶赤蓮華寶莊嚴其山復次修行者隨順觀外身過此山已復有何等山海渚邪彼以聞慧或以天眼見有大海名曰黑水廣一萬由旬諸阿脩羅遊戲其中龍及龍女亦游其中其黑水

海觀之可畏有羅刹鬼名曰捉影攝阿脩羅令其劣弱退入水下其黑水海水下無山水如黑雲多有諸龍住在其中是修行者既觀答已如實外觀行者復觀過黑水海有何山海彼以聞慧或以天眼見有大海名赤寶水充滿其中海岸有樹名閻浮樹一切樹中最爲高勝樹高九十由旬迦樓羅鳥王金剛爲榮住在其上。去閻浮樹一百由旬名青水海于此海中有諸羅刹名曼頭呵身長十里水中有山此諸羅刹住在山中

## 正法念處經卷第六十七

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

校譌

九葉二行耗不成字  
十葉四行五行十五行十一葉四行十二行十二葉十行共七搏字並誤作揣字並非是今並正音釋

鉏 蚶

呀 耗

咷

穂

穗本一字正俗雜出十六葉

太倉州信士吳鳴珂 吳鳴珙 楊之驥  
同助刻于寒山化城菴

正法念處經卷第六十九

身念處品第七之五

元魏婆羅門瞿曇般若流支譯

復次修行者外身隨順觀過青水海復有何等山海  
渚邪彼以聞慧或以天眼見有大海名曰清淨縱廣  
五百由旬海中有山名光明鬱高一百由旬縱廣三  
百由旬白銀所成金華莊嚴有蓮華池名曰善意長  
三十由旬廣十由旬蔓持諸天樓迦足天諸天鵝鴨  
鴛鴦莊嚴復次修行者隨順觀外身過清淨海復有  
何等山河海渚彼以聞慧或以天眼見有大海名曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

絲

正法念處經卷之十一

三

竟八

大波廣五千由旬。水下風起。衆生因緣。一切大海。及以洲渚諸海。波出過二由旬。闍浮提人說名海潮大波海中。有大魚住。首如狗頭。復次修行者外身隨順觀。過大波海。復有何等大山海邪。彼以聞慧或以天眼見。大波海北。有一大山名阿奴摩那廣十四由旬。白銀莊嚴如第二日。天曼陀華。拘貳耶舍華。毗瑠璃華。及天園林。以爲莊嚴。復次修行者隨順觀外身。過阿奴摩山。復有何等大山海邪。彼以聞慧或以天眼見。阿奴摩那山東。有一大海名曰澄靜。去水不遠。須彌山側。毗瑠璃面。有山名憂陀延。向弗婆提金色生。

光闍浮提國。毗瑠璃故其影青色。復次修行者隨順觀外身。過憂陀延山。更有何山。復以聞慧或以天眼見。有大山名曰善意。一切闍浮提檀金廣大金華。以爲莊嚴。廣十由旬。高五百由旬。多有金樹。真金禽獸。紫磨金色。波羅賒樹。多有諸天健闍磐王。憂持天。三笠篌天。如其業相。上中下業自業果。故至善意山見闍浮提。是名闍浮提東方山海。復次修行者隨順觀外身。云何闍浮提南方山海。彼以聞慧或以天眼見。民陀山廣八百由旬。有河名曰南摩多廣半由旬。長二百由旬。有大毒龍住在河中。河中多有失收摩羅龜。

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 11 2 3 4 5 6 7 8 9 30 11 2 3 4 5 6 7 8 9 30

經

正法念處經卷第十八

三

黃八

伽羅摩復有大河名曰濤波復有大河名曰鞞伽。于此河邊多有林樹復有大河名黑賓拏廣二由旬長三百由旬入于大海復有大河名曰大盧陀有大毒龍住在其中摩羅邪山多有旃檀其山廣長五百由旬高三由旬有一大河名登祇尼出摩羅邪山廣一由旬長一百由旬入于大海復有一河名質多羅種林樹種種衆鳥以爲莊嚴廣一由旬長五十由旬入于大海復次修行者隨順外身觀閻浮提彼以聞慧或以天眼見有國土名彌怯羅種種樂處其國縱廣四十由旬復有一國名諸迦羅廣五十由旬多有

種種美果之樹岐那迦果波那婆果無遮樹果毗邏樹果迦卑他果不樓迦果槃陀羅果阿殊那華旃檀迦華莊嚴其國次名迦陵伽國其土縱廣九十由旬多有林樹多有稻田次名耽婆婆帝國其土縱廣一百由旬多有樹林多有稻田復有一國名檀茶迦其土縱廣二十由旬空曠無人昔懶人瞋故今國空復次修行者隨順觀外身觀閻浮提中于南方面復有何等山河大海彼以聞慧或以天眼見有大河名瞿陀婆利其水清淨廣一拘睂長二百由旬復有一國名曰烏茶其土縱廣二十由旬復有一國名安陀羅其土縱廣

經

正法念處經卷第十八

三

黃八

四十由旬復有一國名曰雞羅其土縱廣五十由旬。其國多有牛及水牛多有稻田林樹華果近南海濱有國名迦俱羅摩一切林樹皆悉具足其土長三百由旬廣五十由旬有一大河名迦毗梨種種樹林以爲莊嚴其水清淨廣一由旬長五由旬多有可愛迦俱羅樹雞多迦樹莊嚴其河甚可愛樂復次修行者隨順觀外身過閻浮提復有何等山海洲渚彼以聞慧或以天眼見有大海名不梨那蓮華葉覆縱廣一萬由旬風吹不動以蓮華葉遍覆水故過此海已復有一渚縱廣五百由旬有諸羅刹住在其中其形醜惡甚可怖畏過羅刹渚有一大山名摩醯陀縱廣四十由旬高十由旬多有衆樹謂多羅樹娑羅樹諸阿脩羅諸龍龍女游戲其中或復在于園林游戲于閻浮提六齋之日四天王天住此山上觀閻浮提何等衆生孝養父母隨順法行何人齋日受持齋戒有何等人信佛法僧有何等人與魔共戰誰行直心誰行布施何人不慳誰不惱他何人知恩何人信業誰行十善誰近善友何人離于衰見外道如是四天王于摩醯陀羅山觀閻浮提若閻浮提順法修行四天王天至帝釋所白如是言天王應生歡喜破壞魔軍增

6 7 8 9 10 1 2 3 4 5

6 7 8 9 20

1 2 3 4

經  
卷之二十八

四

章八

長正法及諸天衆。一切閻浮提人行于善法時。釋迦天王及諸天衆聞其所說。皆大歡喜。若閻浮提人不順法行。時四天王天則皆愁惱。向三十三天作如是說。閻浮提人不順法行。增長魔軍。減損天衆。復次修行者隨順觀外身。過摩醯陀羅山復有何等山海諸邪。彼以聞慧或以天眼見過摩醯陀羅山。見有一渚縱廣一百由旬。有一足人住在此渚飲食根果。以自存生。壽命五十歲。樹葉爲衣。不爲屋宅。住在樹下。于此國中多有師子猛惡之獸。其師子身皆有兩翼。王田調適無寒無熱。一切女人皆如狗面。口出妙音。過

此洲已有一大海。縱廣二萬由旬。海中有山。名摩利那羅。金銀玻瓈毗琉璃寶之所成就。多有種種金色之鳥。曼陀羅華俱賒。舍華六時常具有神通力大阿脩羅于此山中游戲受樂。受愛色聲香味觸等。山長五千由旬。高一百由旬。有十五峰。皆是白銀。諸天女等在中受樂。爲諸脩羅之所惱亂。以此因緣。諸天初共阿脩羅鬪。一切天人愚癡。凡夫皆爲女人之所使役。復次修行者隨順觀外身。過多梨那羅山。復有何等山海諸邪。彼以聞慧或以天眼。過彼山已。見有大海。縱廣五十由旬。水中有魚。長一由旬。于此海中。

67891012345678920123456789301234

有諸水人身長五由旬。或作牛頭或作豬頭或作水牛頭或駱駝頭或師子頭或作虎頭或作豹頭或獮猴頭遍似一切畜生之面如印所印過此海已有一大山名曰輪山。一切諸欲皆悉具足天蓮華池上味之果若食其果生樂七日緊那羅王住此山中以自業故心常歡喜上中下業互相娛樂游戲受樂其日輪山縱廣二千由旬過此山已復有一山名軍闍摩。其山皆以白銀成就毗瑠璃石如天莊嚴其山有樹名曰女樹于此山中遍山諸樹天欲明時皆生嬰兒日出能行至于食時皆成少季至日中時身色盛壯

至日晡時季已朽老拄杖而行頭髮皓白如霜著樹至日沒時一切皆死一切衆生共業而行隨所作業隨業受報復次修行者隨順觀外身過軍闍摩山復有何等山海渚邪彼以聞慧或以天眼見于南方過此山已有一大海于海水下五百由旬有龍王宮種種衆寶以爲莊嚴毗瑠璃寶因陀青寶玻瓈欄楯七寶莊嚴光明摩尼種種衆寶莊嚴殿堂重閣之殿猶如日光有如是等無量宮殿德又迦龍王以自業故住此宮殿是德又迦龍王日夜常修念佛念法念僧過此寶堂五百由旬有大惡海一切衆生見者惶怖

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

多瞋惡龍以爲圍繞過此海已復有一山名曰牛王其山具有一切衆生于此山中出于牛頭旃檀之香第二旃檀名曰黃色其旃檀相如日光明一切凡人不能得見若人順法轉輪聖王出現于世或有如法小王出現于世如轉輪王則能得之捷闍婆王住此山中歌舞嬉戲以自娛樂過牛王山五百由旬有一大海名大水沫大風音聲過此海已有一大山名曰三峰一曰金峰二曰銀峰三曰玻瓈峰其峰有池名曰沫輪金沙布底天華莊嚴鵝鳴鶯鶯充滿池中風吹海水擊三峰山多殺大魚以自業故被打而死復次修行者隨順觀外身過大海已復有何等山河渚邪彼以聞慧或以天眼過前大海見閻羅王決罪福處一切衆生證業果處是閻羅王所住境界閻羅王法治諸罪人是諸衆生自心所誑住黑闇處過此住處一百由旬但有虛空過百由旬至閻羅王所住宮殿其王宮殿閻浮那提金之所成就一切衆寶以爲莊嚴何泉流水蓮華嚴飾縱廣一百由旬其殿光明如第二日過此住處無日月光一切黑闇海廣大故日光不現以地獄衆生惡業因故一切黑闇目無所見不知東西

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

復次修行者隨順觀外身遍觀衆生所住之處若地  
獄處若河若山若樹若海若諸天處若畜生道若餓  
鬼道凡方上下頗有衆生不生不死不滅頗有  
恩愛而不別離無有一處不壞不變無常恩愛要當  
別離如是比丘不見一處非愛別離于五道中無一  
指地非愛別離隨諸衆生所住之處無常生死生滅  
無常是故于此有爲生死諸行之處應土獸離此是  
詐惑躁動障礙多有憂悲速疾不行破壞磨滅得已  
還失如幻如夢得之還失此恩愛處詐惑愚癡無始  
流轉欲暝癡處猶如怨家詐爲親友愛欲住處是故

憚離有爲起貳離心捨于亂心于無常境界勿生喜  
樂莫與愚癡而共游戲如是修行者教諸衆生如實  
隨順觀于外身四十住處無一衆生不依業生無一  
衆生非業流轉無一衆生不爲業縛如所作業或善  
或不善而得果報彼比丘如是觀時不見一衆生非  
業故生無一衆生非業藏者無一衆生非業流轉如  
所業作或善不善而得果報彼比丘觀智業已如實  
外身隨順正觀

復次修行者隨順觀外身云何觀于閻浮提中西方  
國土山河海渚彼以聞慧或以天眼見有大河名曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

富那有諸華樹。娑鳩羅樹。娑籌迦樹。佞性羅果。哎多迦。擎那梨。哎羅樹。多摩羅樹。有如是等種種衆樹莊嚴其河。多有山谷。河邊有國名蘇毗羅。人民豐樂。食赤稻米。其國安樂。山林流水。過此國界。復有一國名蘇羅沙吒。過此國界。復有一國名波羅多。其土縱廣二十由旬。國中多有石櫓蒲萄。其國有城名彌多羅蒲伽。過此大城。有五大河。共合而流。過從此以西。乃有大海。多饒種種惡魚惡獸。甚可怖畏。是修行者見。西海中有一大洲。名曰迦羅縱廣一百由旬。種種衆鳥住在此。

洲種種園林甚可愛樂。是毗荼他之所住。止游戲受樂。城名鉢利。多第二住處。名曰長髮。其處可愛。此迦羅諸重閣殿堂。多有流水。過此住處。有辛頭河。入西海口。有一大山。名曰蘇棄。住在海中。于此山中。多有珊瑚。若有商人至此寶山。多獲珍寶。富樂無窮。復次修行者隨順觀外身。過此山已。復有何等山海渚邪。諸羅刹等。住何等處。彼以聞慧。或以天眼。見有大海。多有大魚。五千由旬。多有螺貝。摩伽羅魚。堤彌魚。堤彌鯢。羅魚。托攬海水。風鼓大海。令魚亂行。行者復觀過此海。已有一大洲。名曰周遍可愛衆師子國。其國

有蛇身長十里。飛空而行。無所障礙。壽命千歲。不相憎嫉。行者復觀過此洲已。復有一海。名曰可愛縱廣五由旬。于此水中多有蓮華衆。蜂莊嚴。華臺廣大。有諸羅刹。名鳩迦羅。住此海中。食蓮華臺。恣意充足。行者復觀。過此住處。有一大山。名曰曠野縱廣一百由旬。于此山中。多有白象及迦陵頻伽鳥。出妙音聲。如是美音。若天若人。若緊那羅若阿脩羅。無能及者。惟除如來。復次。修行者隨順觀外身。過此大山。復有何等山河海渚。彼以聞慧。或以天眼見。有大山高五十由旬。其山多有毗瑠璃林。有諸師子。羽翼具足。守護

寶林。恐曼提呵羅利來奪其處。復次。修行者隨順觀外身。過閻浮提。復有何等山河海渚。彼以聞慧。或以天眼。復見西海縱廣一萬二千由旬。于彼大海無山無城。水中惟有象頭魚身。豬頭魚身。行者復觀。過此海已。有一大山。名曰金山。其山光明照大海水。令大海水猶如金色。莊嚴其山。山高三百由旬。廣五十由旬。有犍闡婆。名閻浮摩利。住在其上。心常悅樂。壽命二千歲。亦有中天無量百千犍闡婆衆。住此山中。身如金色。一切色相與天相類。食千樹果。其性勇健。一切阿脩羅住于水下。無能奪此犍闡婆衆所有根果。

復次修行者隨順觀外身過此海已復有何等山海  
渚邪彼以聞慧或以天眼見此大海過五分已有大  
輪山真金所成高千由旬縱廣五百由旬金剛爲頂十  
此山中有緊那羅及阿脩羅住在此山是甄那羅園  
林可愛河流泉池多有華果獮猴游戲河名金水廣  
半由旬于此河中多有金魚游洋躍鱗行者復觀過  
輪山已有一大海縱廣一萬由旬其海有渚名曰寶  
渚于此渚中種種衆寶無有土石遍于渚上皆是珍  
寶行者復觀過此海渚復有何等山河海渚彼以聞  
慧或以天眼見有大山名曰白山多有林樹其色白

淨水沫圍繞高一千由旬縱廣五百由旬行者復觀  
過此山已見有大山名曰善雲高百由旬廣六十四  
由旬空無人住若夜叉若緊那羅畏阿脩羅悉無住  
者過此山已有玻瓈山高三千由旬縱廣千由旬河  
池林果一切具足如天之山過此山已有大清水縱  
廣百由旬多有螺貝其水難行過此水已有僊光山  
諸阿脩羅住此山中常畏天衆多有采女種種莊嚴  
酒河流溢甄波迦果及粘那果生僊先山其味甚美  
食之殺人復次修行者隨順觀外身復有何等山河  
海渚彼以聞慧或以天眼見六萬金山紫磨金樹周

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

遍山中禽獸充滿于此山中處處多有金蓮華池出大光明一切金山須彌山王住在其中諸天持天樓迦足天二箜篌天四天王住此山上于此山上有如意樹隨天所念皆從樹生一切禽獸身皆金色多有衆華曼陀羅華拘捺耶舍華于山四埵有四大林一名歡喜林二名雜殿林三名鮮明林四名波利邪多林歡喜園中有大樹王名波利邪多于此樹下夏四月時受五欲樂遊戲自娛四天王天子歡喜園遊戲受樂四天王天于此園中歡娛受樂故名歡喜園鮮明林者衆彩莊嚴故名鮮明林雜殿林者種種雜

殿天子乘之遊戲受于可愛色聲香味觸等故名雜殿林波利邪多林歡喜林中一切天衆受五欲樂須彌山王向閻浮提一方之面毗瑠璃寶以毗瑠璃光照方故令閻浮提仰觀虛空皆作青色第三方面鮮明林中諸天欲共阿脩羅鬪于此林中集共議論須彌山王向瞿陀尼一方之面真金所成令瞿陀尼仰觀虛空皆作赤色第二方面有雜殿林于此殿中盛天鬪具須彌山王向弗婆提一方之面白銀所成令弗婆提仰觀虛空皆作白色須彌山王向鬱單越一方之面玻瓈所成令鬱單越見空清淨白光明色行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

者復觀四天王天壽命幾歲以闍浮提中五十季爲一日一夜如是壽命滿五百歲亦有中夭復次修行者隨順觀外身須彌山上復有何等異天止住彼以聞慧或以天眼見須彌山王有三十三天住在山頂所受樂行不可具說城名善見縱廣十千由旬七寶莊嚴因陀青寶金剛碑碣赤蓮華寶柔軟大寶以爲莊嚴有善法堂廣五百由旬毗瑠璃珠以爲欄楯真金爲壁一切門戶亦復如是以一切莊嚴嚴飾殿堂釋迦天王住善法堂以善業力受相似樂人中百歲爲第二天一日一夜如是壽命滿一千歲亦有中夭

須彌西面名曰沒山日至此山闍浮提人謂之日沒故名沒山復次修行者隨順觀外身觀須彌山王其壘高下彼以聞慧或以天眼觀須彌山高廣八萬四千由旬阿脩羅王住在其側居此水下以衆生業之所住持令日旋轉有大尊神名曰健疾常在前導于睂目頃能行十千一百五十由旬周帯旋轉以日爲度知諸衆生壽命長短

復次修行者隨順觀外身觀四天下人所住之處闍浮提國弗婆提國瞿陀尼國鬱單越國幾許量邪彼見闍浮提國七千由旬弗婆提國八千由旬瞿陀尼

國九千由旬。鬱單越國。十千由旬。隨四天下地之形。相人面亦僞像其地形。闇浮提人面之形相。上廣下狹。像其地形。其餘三方。弗婆提人面像地形。猶如滿月。瞿陀尼人面像地形。猶如半月。鬱單越人面像地形。其面正方。如是外觀。觀四天下人之形相。如實了知。

復次。修行者隨順觀外身。云何觀于闇浮提國。北方國界山河海渚。彼以聞慧或以天眼見。闇浮提北方有國名曰槃蹉。其土縱廣滿十由旬。次第二國名民陀羅。其土縱廣二十由旬。次第三國名首羅斯那。其

土縱廣一百由旬。次第四國名阿梯犁。其土縱廣一百由旬。次第五國名曰陀羅。其土縱廣一百由旬。次第六國名曰鳩畱。其土縱廣一百由旬。次第七國名摩陀羅。其土縱廣五十由旬。次第九國名捷陀羅。其土縱廣一百由旬。次第十國名槃陀羅迦。其土縱廣二百由旬。次第十一國名陀羅陀。其土縱廣一百由旬。于此國中多有山險。次第十二名槃佐邏國。其土縱廣一千由旬。次第十三名毗師迦國。其土縱廣二百由旬。次第十四名摩醯沙國。其土縱廣二百由旬。次第十五

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

名曰漢國其土縱廣一千由旬官屬都合一千由旬。真漢惟有二百由旬次第十六名都併國其土縱廣五百由旬次第十七名跋跋羅國其土縱廣二百由旬次第十九名究頗羅國其土縱廣五十由旬次第十九名鳩畱摩國其土縱廣滿五由旬次第二十名甘蒲闍國其土縱廣一百由旬自餘小國及以空地悉不在數。

復次修行者隨順觀外身觀闇浮提北方國界復有何等山王彼以聞慧或以天眼見有大山名曰雪山種種山峰其山眷屬廣千由旬山中多有盧陀羅樹

松樹柏樹天木之樹婆羅樹多摩羅樹多有夜叉多緊那羅多毗舍遮夜叉之屬其山可愛修學禪者多依此山河流甘美大力龍等住在山中多有哎羅多人住在此山復次修行者隨順觀外身觀闇浮提北方國界復有何等山河海渚彼以聞慧或以天眼見雪山東名懸雪山多有可愛禽獸滿中松柏之樹及天木樹那迷流林婆羅流樹闍摩迦迦樹過此山已復有一山名多摩伽羅縱廣二十由旬有一千窟過此山已有百由旬空曠之地多有河池無有藥艸及以樹木過此處已有白銀山名雞羅婆金峰圍繞毗留

勒天王住在其上于山峰中。河池清涼多有蓮華青  
優鉢羅華。池中多有鵝鴨鴛鴦而以莊嚴過雞羅娶  
山有一大山名曰峰山。緊那羅王在其山下歌舞游  
戲于此山上有五金峰。三玻瓈峰。十白銀峰。無量天  
華香氣可愛。山中有河名鳩摩羅。從山流出多有鵝  
鴨鴛鴦充遍河中。過此山已復有大山名彌那迦。縱  
廣五十由旬多饒阿脩羅住此山中常樂歌訛復次  
修行者隨順觀外身。觀聞浮提復有何等山河海渚。  
彼以聞慧或以天眼過此山已見有大海縱廣一萬  
由旬多有大龍及堤彌魚那迦羅魚螺貝之類。過此

海已有一大山名曰善意山中有池名曰凝酥縱廣  
一由旬其池可處于此池中多有鵝鴨鴛鴦迦陵頻  
伽鳥其山縱廣五十由旬山中有河名橋戶迦多有  
水鳥莊嚴其河過此山已有一大海縱廣二萬由旬  
甚可怖畏雷聲常吼惡龍瞋恚互相攻戰或雨刀火  
放大熾電以瞋心故吐毒相殺復次修行者隨順觀  
外身觀聞浮提過海龍已有一大洲名耽婆迦縱廣  
一百由旬多有諸大惡羅刹等食魚自活彼有地獄  
名耽婆迦焚燒衆生有一大河名橋戶迦滿河流血  
頭髮骸骨隨河而流地獄縱廣五百由旬受大劇苦。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

過地獄已有一大海。狀如地獄。縱廣一萬由旬。其水青黑無龍夜叉。無犍闥婆過此海已。北方有海名曰寶滿衆山圍繞林樹無量松柏旃檀如意之樹山中復有無量果樹過此山已。有一大山名曰彼岸縱廣五千由旬于此山中多梨那羅果。吱羅樹果。一切時果。六時具足河池充滿鵝鴨鴛鴦諸大僧行住山中山有千峰種種衆寶莊嚴其山。山有種種毗多羅樹。皆是金樹種種衆香過此山已有一大河名曰石水。于此河中一切衆生若艸若木若人非人若禽若獸入者如石。其河兩岸生諸竹林名曰吱遮風吹相

揩自然出火燒殺無量百千衆生行者復觀過此河已有一大河名曰斯陀廣十由旬長三百由旬無人能度以水鹹故若有入者身卽碎裂過此河已有渚名闍浮摩有健闥槃名曰常樂住此渚上多行布施淨持禁戒心常歡喜離于憂惱欲果具足于此渚上金樹具足毗瑠璃華充滿池中近須彌山以山勢力一切河水及諸禽獸皆作金色多有無量憂鉢羅華拘物陀華處處酒河洋洋溢流自然稻米不須種植其渚縱廣二千由旬過此渚已無有一切山河樹林有一大海名水沫輪海中多有火毒惡龍名曰電光。

6 7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4

過此海已有一大山名涅蜜沙。山中有窟名提彌沙黑闇之窟窟中多有化生龍女初夜化生端正具足莊嚴其身壽命一夜于日出時則皆老死殺生餘業故受斯報過此山已復有一山名曰蘇摩祇利縱廣五百由旬過此山已有一大山名須彌等縱廣五百由旬于此山北有一大林名岐多迦林有羅刹名曰惡夢住在此林其行速疾于响日頃能行至于百千由旬爲諸衆生作不利益作不安樂

復次修行者隨順觀外身觀閻浮提鬱單越二國中間復有何等山河海渚何處頗有不生不死非退非

滅非業因緣非愛別離非怨憎會是故于生死中得生厭離應離縛著以求解脫厭于生死于生死中勿生貪樂莫與愛心而共游戲勿以愛網而自纏縛莫樂生死一切生死熾然大苦憂悲苦惱愛別離苦怨憎會苦大火熾然于地獄餓鬼畜生天人之中無常變壞癡人貪著謂之爲樂應生厭離莫住魔境勿與煩惱而共游戲後生悔心如是修行者隨順觀外身如實見于生死不住魔境離于垢濁離疑曠野復次修行者隨順觀外身觀閻浮提北方復有何等山河海渚彼以聞慧或以天眼見有大山名俱翅羅岐羅

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

縱廣三十由旬。高十由旬于彼山中。無量百千俱翅羅鳥。青無憂樹。赤無憂樹。七葉華樹。軍陀羅樹。賢迦曇婆娑華那摩利華。金余提迦華蘇摩那華。深婆羅華。多羅華。卑陵伽華。鳩迦華。瞻婆娑華。軍陀親命華。娑利師迦華。夏隨其時節。皆自敷榮。或于異時變持。天衆離本住處。游戲此山。有諸夜叉住此山中。歡喜受樂。不惱天衆于此山中。多有俱翅羅鳥過此山已。有大海濱名曰鵝住。其中多有百千鵝羣。無量蓮華。如是海濱鵝鴨鴛鴦珠榮之鳥。民那羅鳥。咽喉鳥等。其蓮華色如融金聚。十千由旬。諸蜂圍繞覆遍其上。過

此以北有鬱單越。有一大海縱廣千由旬。多有大魚。捉彌鯢魚。那迦羅魚。失收摩羅甕魚。龜等。滿大海中。其水青色。猶如虛空漢。十千由旬螺貝之母住此水中。身廣十里。水下有山螺。有大力。敵千象力。墮山峯上。則皆破碎過此海。已有一大海。名曰乳海。縱廣五十由旬。洪波常起。大惡毒龍。常如雷聲。復次修行者隨順觀外身。觀聞浮提北海。有何等山河海渚。彼以聞慧。或以天眼見諸大山。其數五百。金銀玻瓈一千由旬。近鬱單越。多有蓮華。如日初出。過此山已。有一大國。名曰乳旋山。河園林多有鳥獸。夜又止住。心常

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

歡喜多有華樹衆物具足復次修行者隨順觀外身  
閻浮提北復有何等山河海渚彼以聞慧或以天眼  
觀閻浮提及鬱單越二國中間更無有國鬱單越國  
縱廣十千由旬三十六億聚落可愛三十六億所受  
之樂少減四天王天天無骨肉垢汙天亦不拘鬱單  
越人有骨肉垢汙目有視眴無我我所亦無我慢死  
則決定生于天上離慢謗曲不起妬嫉心常歡喜不  
畏夜叉羅刹毗舍遮鬼鳩槃茶鬼師子虎豹夜叉惡  
龍惡蟲之類亦無荒儉寒熱飢渴疾病遠離一切怨  
家怖恐互相愛敬不爲妨礙無有王賊水火刀兵之

畏金樹光明晝夜不別金鳥銀鳥珊瑚之鳥若樹若  
鳥種種雜色歡喜如人雖無心識亦如人法

復次修行者隨順觀外身鬱單越復有何等可愛味  
邪彼以聞慧或以天眼見鬱單越有十大山何等爲  
十一名僧迦賒山二名等峰山三名陀摩勿力伽山  
四名白雲持山五名高聚山六名普曼山七名時節  
樂山八名持歡喜山九名如意山十名俱賒邪舍山  
是名十大山鬱單越國大海周帯如閻浮提有四大  
山何等爲四一名雪山二名民陀山三名摩羅邪山  
四名雞羅娑山鬱單越國十種大山亦復如是

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4

正法念處經卷第六十九

校讎

十九葉第十五行

夏字未正

疑誤

音釋

岐

吒

托

太倉州信女吳門季氏助刻于寒山化城菴祈求  
先姑林氏 光夫吳雲翀超脫

正法念處經卷第六十九

元魏婆羅門瞿曇般若流支譯

身念處品第七之六

復次修行者隨順觀外身。十大山中復有何等河池  
流水華果鳥獸。彼以聞慧或以天眼見僧迦賒山僧  
迦賒樹六時之華其樹晝夜光明不斷。如閻浮提然  
大炬火其香音熏滿一由旬。如閻浮提所有林樹少  
分相類。如是僧迦賒山有四大林。一名青影林。二名  
鳥音林。三名溫涼林。四名鉛毗羅林。若至此林其華  
如雲從空而下。合和聚集故名僧迦賒山青影林者。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

隨有一切白色衆鳥住在此林以林力故如瑠璃色  
故名青影林鳥音林者若入此林如意所念鳥出妙  
音鬱單越人見之生大歡喜故名鳥音林溫涼林者  
若人有寒入則溫暖若有熱者入此林中卽得清涼  
林中有鳥名曰風行是命命鳥以鳥力故一念能行  
一千由旬若人見鳥憶念欲行卽棄此鳥一念能至  
一千由旬其命命鳥能解四天下人所有語言亦能  
宣說如人受樂如人欲樂其身七寶莊嚴兩翼青寶  
碑磲玻瓈赤蓮華寶莊嚴其身見者歡喜觀僧迦賑  
山有第二林名曰鸚鵡林鳥歡喜有蓮華池遍覆其

上若閻浮提鵝王中熱而死生此池中如閻浮提鵝  
王住阿那婆達多池中種種衆鳥住在此林中鵝鴨  
鴛鴦鶲鵠之鳥怛茶摩那婆鳥黃鳥鳩鵠屯頭醯鳥  
香鳥三娑闍鳥瞿邪沙吒鳥聲歡喜鳥六時行鳥喜  
月明鳥月出歡喜鳥日色孔雀鳥若見雷時歡喜出  
聲生樂鳥少黃色鳥俱羅婆鳥那提背鳥泥均輪陀  
鳥陀婆迦鳥雜身鳥衆蜂旋鳥其音能滿至一由旬  
如閻浮提蜂住于樹林鳥鳥山舞鳥第一音鳥雞鳥  
槃羅羅鳥華覆身鳥住蓮華鳥青優鉢羅鳥遮沙鳥  
頻伽項鳥般丹吒鳥樂婆羅鳥常音聲鳥箜篌音鳥

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

見雲歡喜鳥。僧迦摩鳥。見鬪歡喜鳥。白露鳥。復有異鳥。觀之可憂。離瞋恚鳥。住林樹間。鬱單越人見之歡喜。觀彼眾鳥住林中。如實知外身。復次修行者。隨順觀外身僧迦。貯山有何等林。彼以聞慧。或以天眼。見第三林名鎰。毗羅林。枝葉相覆。蔭影涼厚。鬱單越人爲游戲故入此林中。林名班葉樹。次名龍華樹。次名菴婆羅樹。次名拘鞞陀羅樹。次名槃羅樹。次名喜愛樹。次名鳥息樹。次名娑羅多羅樹。次名賈摩樹。次名尼沙迦。毗陀樹。次名周多樹。次名迦羅樹。次名毗羅迦樹。次名莘鄰陀樹。次名槃鳩羅樹。次名喜香樹。次

名僑樂樹。次名奚多羅樹。次名多摩羅樹。次名鳩羅迦樹。次名青荆香樹。次名月輪樹。次名曜行樹。次名常開敷樹。次名尼均輪樹。次名開樹。次名阿濕波他樹。次名甄叔迦樹。次名賈摩梨樹。次名楊柳樹。次名毗邏樹。次名迦卑樹。次名那利吱羅樹。次名波那娑樹。次名無遮果樹。次名阿殊那擎樹。次名迦曇槃羅樹。次名泥周羅樹。次名天木香樹。次名捺攝樹。次名金色華。次名銀色華。次名毗瑠璃樹。次名孔雀止息樹。次名異處行樹。次名洲生樹。次名迦離賈合樹。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

次名娑迦賒樹。次名互相映厚樹。次名滑樹。次名肩生樹。次名因陀羅長樹。次名岸生樹。次名巷生樹。次名珊瑚色樹。次名鳩摩鬚樹。次名悚樹。次名懸時生樹。次名煙色樹。次名鎧明樹。次名風動樹。次名芭蕉樹。次名俱翅羅樂樹。次名散華樹。次名華未覆樹。次名開烏彌羅樹。次名憶念樹。次名如飯樹。次名優曇鉢羅樹。次名頭頭摩樹。次名風旋樹。次名負峰樹。次名涼風樹。次名動搖樹。次名無憂樹。有如是等六十種樹。勝過餘樹。不說中下鉢毗羅林流水華池。甚可愛樂。鬱單越人無有怖畏憂悲病苦。無有君王亦無。

熱惱離于怨對。妒嫉之患于僧迦賒山。鉢毗羅林歡喜受樂。觀僧迦賒山已。如實知外身。復次修行者隨順觀外身。觀鬱單越國僧迦賒山第四林。名曰溫涼。彼以聞慧。或以天眼見溫涼林種種涼池。亦如上說。華葉果樹河流具足。謂清涼河廣一由旬。其水甚深。一名清淨河。次名無濁河。次名乳水河。次名蒲萄汁河。次名蘇摩河。次名美乳泥白水河。次名憶念河。次名鵝王河。次名鴨河。次名鶯鶯河。次名妙音聲河。次名華流河。次名弱楊河。次名濤波流河。次名駛流水樂河。次名迦曇波翅河。次名珠筈河。次名饒龜河。次

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

名赤魚旋行河次名軍毗羅河次名魚旋河次名華  
 流河次名沫輪河次名水笑河次名平岸河次名雨  
 聲河次名音曲流河次名隨時轉河次名無力河次  
 名山峰河次名金色水河次名銀色水河次名銀石  
 河次名真珠沙河次名山流河次名雲轉河次名碑  
 碑莊嚴河次名珊瑚樹河次名春歡喜河次名秋清  
 水河次名山谷流河次名峰輪笑河次名雪冰河次  
 名日不照河次名速流河次名洞汎河次名尼均輪  
 陀流河次名香水河次名雞多迦香熏河次名雨歡  
 喜河次名屯頭摩河次名周遍旋轉河次名無量流

河次名瀆水澆岸河次名槃鳩羅河次名減水河次  
 名歡喜旋流河次名壞山河次名雲行河次名歌音  
 河次名鼓音河次名雷音河次名龍女喜樂河次名  
 夜叉所愛河次名僊人所愛河是名僧迦賒山第四  
 鉈毗羅林有如是等七十大河不說其餘無量小河  
 林樹華果功德具足觀清涼林已如實知外身僧迦  
 賒山第五名震雷雲鬘龍游戲雲鬘所謂離瞋槃修  
 吉龍王德又迦龍王齒毒龍耀大電光興雲普覆隨  
 順法行有如是等七大龍子鬱單越以時降雨澍  
 於平地鬱單越人猶如諸天復次修行者隨順觀外

6 7 8 9 10 1 2 3 4 5

6 7 8 9 10 1 2 3 4 5

6 7 8 9 10 1 2 3 4 5

身如前所說。若樹若華若果若實。若河若石窟。若地方處。若艸。若山谷。若山窟。如是等處無鍼鋒。許衆生所住不生不死不退不出百返千返。一切愛樂種種衆生無不破壞。恩愛別離。惱亂心悔。無不曾爲怨親中人無不合和。無量生處。百生千生。或在水性。或生陸地。或行虛空。于畜生中。無一衆生不相啖食。不相殘害。無一衆生不作怨結。如我此身無處不生。如是比丘不見鍼鋒之地。非生死處。如前所說觀僧迦。賒山已。如實知外身。復次修行者隨順觀外身。復有何等勝妙山林。彼以聞慧。或以天眼。見第二山名平等。

峰猶如天上歡喜之園。平等峰山所有河池花果林樹。如前僧迦。賒山中廣說復有何勝。其等峰山三百金峰光明如日。五百銀峰亦如前說功德勝前。鬱單越人。其身光明猶如滿月。名離怖畏。實無怖畏。故名無畏。鬱單越人住此山中。歡喜受樂。如四天王。夏四月時。于歡喜園受五欲樂。有何等勝。四天王天無骨無肉。無有汗垢。鬱單越人所不能及。鬱單越人遠離怖畏。勝四天處。四天王天住高山頂宮殿而居。猶懷恐畏。鬱單越人無有宮宅。無我所心。是故無畏。鬱單越人命終之時。一切上生。是故無畏。四天王天則不

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

如是鬱單越人復有勝法離怖畏故勝四天處平等  
山中所有樹林如第二日離怖畏人隨心所念皆從  
樹出衣無線縷瓔珞莊嚴或念飲食于百千河飲食  
盈流鳥音可愛如前所說金翅青毗璠琉璃無量百千  
鵝鴨鴛鴦無量衆鹿真金爲身珊瑚爲角磚砾爲目  
青玉爲甲及餘異獸無量種類住在山中樹枝相蔭  
交互而生如真珠網俱翅羅鳥孔雀妙音百千流水  
無量河岸以爲莊嚴一切河流凡功德水何等爲凡  
一者具味二者清淨三者香潔四者除渴五者涼冷  
六者飲之無厭七者無垢八者飲之無患無惡魚過

于此山中有種種華池所謂有名廣博山華池次名  
衆沙華池次名五樹華池次名鴛鴦岸華池次名鵝  
水華池次名扇翅華池次名饒百鳥華池次名大珊瑚  
華池次名竹樹華池次名溪華池次名月變華池  
次名上月華池次名雜水華池次名洞瀇華池次名  
竹林華池次名懶變華池次名魚旋華池次名三波  
陀魚底華池次名峰中華池次名池變華池次名旋  
轉華池次名淨水華池次名月光華池次名月輪華  
池次名離垢華池次名乳水莊嚴華池次名清涼華  
池次名月變華池次名玻瓈旋華池次名速旋華池

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

次名澄靜華池。次名不動華池。次名天愛華池。次名歡喜華池。次名善味華池。次名如意華池。次名樂華池。次名雞珠婬華池。次名甘露上流華池。次名龍華池。次名樂華池。次名阿殊那華池。平等峰山有如是等四十七池于平等山中。最爲殊勝。其池皆是功德水。如前所說。其山高勝如破空出。以山高故有勝園林。功德具足。所謂清涼之林。色白如月。廣百由旬。多有銀樹。色白如雪。于此林中有蓮華池。名離水衣華池。久名蟬覆華池。次名具色華池。次名常水華池。次名半見華池。次名歡喜華池。次名迦航婬菩提。

迦華池。次名鵝翅華池。次名游戲華池。次名可愛華池。次名見峰華池。次名樂游戲華池。次名常樂華池。次名常蓮華池。次名常歡喜華池。次名雲華池。是名第一最勝十六華池。除其中下無量百千無名者。一切清淨。無有泥濁。亦無水衣。鵝鴨鶯鶯可愛音聲。令鬱單越人常得歡喜。命命孔雀于園林中出妙音聲。修行者觀平等峰山已。如實知外身復次。修行者隨順觀外身信解四聖諦。觀平等山峰頗有一處。是常不變。若樂若我而不空者。如前所說。一切生死所攝衆生。頗有不死不生。一切所愛不離不別。不破壞邪。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

彼修行者觀平等山峰不見一處是常不動若樂若我若不空者一切眾生所住之處無不生死爲愛別離之所破壞如是一切生死無常眾生無鍼鋒處不生不死不生不滅念四聖諦觀鬱單越平等山峰已如實知外身復次修行者觀鬱單越更有何等可愛之處彼以聞慧或以天眼見第三山名勿力伽具足莊嚴如前所說僧迦賒山及平等峰山具足莊嚴此山轉勝勿力伽山流水具足石蜜河水意樹具足所謂金樹六時華果敷榮蔚茂光明如日勿力伽山有光明林所謂金光旋林次名銀聚林次名普山林次

名柔軟林次名金光旋林廣百由旬真金林樹多有衆蜂次名銀聚林縱廣三百由旬無量銀樹其林光明日十月多有師子無量眾鳥心常歡悅如前所說勿力伽山有第三林謂常樂林林中有鳥名常游戲受樂歡喜其國有人名曰解脫常樂林中歡喜自在隨意游樂無人遮礙如諸天衆而受悅樂勿力伽山有第四林名曰柔軟金樹銀樹珊瑚之樹多有衆鳥名曰解脫其林縱廣五百由旬常多欲人住在此林其地柔軟如兜羅綿華果之樹及蓮華池無量千衆蜂圍繞修行者觀勿力伽第三山已如實知外

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

身如前所說復次修行者隨順觀外身觀鬱單越更有何等可愛之處彼以聞慧或以天眼見第四山名白雲持縱廣千由旬純淨白銀之所成就光明踰月如闇浮提滿月出現衆星失光白雲持山亦復如是鬱單越人住此林者名常發欲常樂游戲白雲持山蓮華嚴身離于怖畏憂悲疲極寒熱飢渴常愛歌戲于蓮華間游戲受樂于山峰中共衆采女游戲娛樂常行愛欲常離憂悲白雲持山有諸園林謂鼓音聲林次名鴨音林次名憶念林次名水聲林鼓音林者髮持天眾擊于天鼓出美妙音譬如箜篌笙笛和合

出聲擊天鼓音復過于此闇浮提音十六分中不及其一鳥獸園林華池地界金銀流水功德如是天鼓音聲如前所說常欲之人聞天鼓音常受愛色香味觸如迦樓足天子歡喜園受天之樂有第二林名鴨音聲其林華池有百千種不可具說鴨音聲林有衆寶鹿次名鞞那娑鹿次名寶莊嚴鹿次名調伏鹿次名樂音聲鹿次名火色鹿次名賒羅鹿次名能投農鹿次名山峰行鹿次名遮波羅鹿次名普眼鹿次名迦趺多那寶鹿次名金角鹿次名銀側鹿次名風力鹿次名食樹葉鹿次名住水音聲鹿次名行林鹿

6 7 8 9 10 1 2 3 4 5 6 7 8 9

20 1 2 3 4 5 6 7 8 9

30 1 2 3 4 5 6 7 8 9

次名珊瑚鹿。次名凹戾鹿。次名細腰鹿。次名黑皮鹿。  
次名賒輸多那鹿。次名日光明鹿。次名柔軟鹿。次名  
白鹿。有如是等二十五種鹿。常欲樂人與鹿游戲。種  
種自業于白雲持山中受相似樂。復有第三憶念之  
林。人名樂欲若有所念。從樹而得。一切園林莊嚴可  
愛。亦如前說。白雲持山有第四林。名水音聲。種種僊  
人住此林中。游戲受樂。若有汗熱入池水中。游戲受  
樂。諸有僊人。一名無礙。僊人次名力僊人。次名徐行  
僊人。次名虛空行力僊人。次名穿雲行僊人。次名行  
日道。僊人。次名行量。僊人。次名白色。僊人文名刪那。

多僊人。次名鳩尸迦。僊人。次名山無礙。僊人。次名常  
樂。僊人。次名犍陀羅。僊人。次名行虛空。僊人。次名富  
物。僊人。次名內住。僊人。次名闍窟。僊人。次名常力。僊  
人。次名鵝殿。僊人。次名龍殿。僊人。次名放電光。僊人  
次名住摩羅邪。僊人。次名雞多迦。僊人。次名樂采  
女。僊人。次名樂酒。僊人。次名住彌樓山。僊人。次名三  
車那。僊人。次名常游戲。僊人。次名常歡喜。僊人。次名  
垂莊嚴。僊人。次名飛行。僊人。次名呪藏。僊人。是名三  
十僊人。止住在于白雲持山。種種莊嚴游戲。在于水  
音聲池歌舞戲笑。自業受樂。自業力故。共相似采女。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

游戲受樂如是遍觀白雲持山諸林樹已。如實知外  
身觀白雲持山中頗有一法是常不動不變不壞涅  
槃所攝如是比丘不見一法是常是樂不動不變不  
破壞者一切諸法皆悉無常破壞摩滅猶如日光破  
諸闇冥無常世間初味後苦淡流不出。愛果無樂如  
甄波迦果如毒如刀得時甚樂悅目須臾如電不住  
如水駛流無常不住如犍闍婆城誑惑千人一切人  
貪如果必墮如雜毒食消時大苦如蜜塗刀亦如利  
戟誑惑無量百千衆生猶如河岸臨峻大樹諸欲無  
常亦復如是是修行者如實觀欲生厭離心止念觀

營滅除塵垢復次修行者隨順觀外身。鬱單越國更  
有何等可愛山河彼以聞慧或以天眼見第五山名  
曰高山縱廣一千由旬光明普照有真金樹毗瑠璃  
葉白銀爲樹珊瑚爲葉毗瑠璃樹真金爲葉光明如  
燈復有異樹無量種樹蓮華林池園林游戲種種麁  
鹿種種山峯亦如前說住須彌山巔持天衆三笠簇  
天從須彌山至此高山游戲愛樂其高山峯皆是衆  
寶之所成就有五大峯一一山峯高五十由旬縱廣  
二百由旬第一金峯于山谷中生一切寶謂毗瑠璃  
珊瑚碑磲玻瓈迦寶赤蓮華寶柔軟寶青因陀寶大

青寶王。自然天衣第二銀峯銀樹具足。峯中多有牛頭旃檀。若諸天眾與阿修羅共鬪戰時。爲刀所傷。以此牛頭旃檀塗之。卽愈。以此山峯狀似牛頭。于此峯中生旃檀樹。故名牛頭。第三山峯。名天女樂金銀毗瑠璃。以爲園林。其地柔軟。歡喜游戲。愚癡凡夫爲愛所誑。雖聞正法。常愛欲樂。第四山峯。名曰生色。四大天王于蒲萄園游戲受樂。一切禽獸夜又僊人。鬱單越人。皆悉受樂。蒲萄酒河盈溝而流。其味如蜜。有如石蜜。或有辛味。或有雜味。其峯河岸多諸生色。所謂水牛。牛羊。猪狗。野狐。象馬。駝驢。龍虎。熊羆。師子。兕豹。如是種種無量寶色。峯名生色。生諸生色。故名生色。第五山峯。毗瑠璃林。有蓮華池。毗瑠璃莖。其莖柔軟。所謂少滿蓮華池。次名衆多蓮華池。次名轉行蓮華池。次名華覆蓮華池。次名日照蓮華池。次名柔軟岸蓮華池。次名無比蓮華池。次名蜜林蓮華池。次名香風蓮華池。次名常水蓮華池。是名十種華池。住此峯中。復有大河。處處而流。六味具足。一切意樹。而以莊嚴。衆樹華果。河池具足。亦如前說。彼比丘觀第五山第五峯已。如實知外身。復次修行者隨順復觀高山。知業法果報。知衆生業法果報。衆生自業住自業流。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

轉以自業故而生此山。善業盡故不善業故墮于地。獄餓鬼畜生。若有善業生天人中。高山四面所住之人。名樂善樂。常希望欲。常不知足。如是比丘。以偈頌曰。

譬如火得薪。如海受衆流。愛欲難厭足。是故應捨離。如是修行比丘。以清淨眼見此衆。生于大憂悲愁毒之中。猶復歡笑。衆生不知一切皆苦。無我無常。一切法空。一切閻冥。一切生死。無有常樂。非宗靜。非宗滅。一切資具。要當破壞。此法不實。終墮地獄餓鬼畜生。譬如日出。必當有沒。一切衆生。亦復如是。有生之類。

必歸于死。譬如春時。一切大地山樹藥艸叢林平地。至于秋時。大地山樹藥艸叢林陂澤華池。一切衰變。少如春時。老如秋時。鬱單越人不能覺知。一切少壯。皆歸衰老。譬如夏時。天降洪雨。河有崖岸。諸水臻集。盈溢充滿。至于孟冬。一切減少。富樂具足。猶如夏時。富樂破壞。猶如孟冬。譬如水泛蓮華池中。衆蜂所樂。歡喜受樂。霜雪既降。蓮華萎爛。衆蜂捨離。人亦如是。若無病惱。如華新開。衰病既至。如華萎爛。衆蜂圍繞。猶如富樂親友臻集。衆生如是。爲愛所誑。不覺自壞。如是比丘。觀于高山園林華樹。河泉陂池。僊人禽獸。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

山谷已如實知外身。復次修行者隨順觀外身。彼以聞慧或以天眼見鬱單越國復有何等可憂山邪。彼以聞慧或以天眼見第六山名鬘莊嚴于其山中有種種莊嚴其山朱綠青黃種種色樹所謂雜華林樹復有華樹名曰無憂復有華樹名曰金葉復有華樹名曰枝覆復有華樹名阿提目多迦金莖金葉風吹動搖水中復有尼均輪陀樹毗瑠璃葉有芭蕉珊瑚爲葉見日則起復有提羅迦樹若見月光即便開敷復有華樹名拘牟陀無日則開復有華樹名半月喜復有華樹名那羅迦羅復有華樹名三歡喜復有華

樹名槃頭時婆復有華樹得煙增長復有華樹名曰無憂女人觸之華卽爲出復有華樹名曰軍陀其性柔軟復有華樹名尸利沙得人足蹈卽便增長復有華樹名輒多娑暖則有香復有華樹名鳩鳩摩流轉異國復有華樹名曰見吉復有蓮華名曰善意天人所愛復有蓮華名青優鉢羅生在水中復有蓮華名常開敷復有華樹名曰師子迦曇鉢羅復有蓮華名曰水笑足躡則生復有華樹名赤無憂女人足躡以得女人色香味觸華則爲出復有華樹名阿吒迦如是華樹二十有二周遍華鬘以爲莊嚴或有金色毗

瑠璃色或白銀色或有黃色或有綠色或有雜色或在池中或在樹下或在榛林或有周遍行一切處復有衆鳥真金爲身白銀爲翅或白銀身黃金爲翅或珊瑚身毗琉璃翅毗琉璃身青寶王翅或玻瓈身真金爲翅或有衆鳥真金爲腹白銀爲翅毗琉璃背或有衆鳥七寶爲身謂青寶王摩伽羅寶玻瓈迦寶碑磲珊瑚摩蘇鳩留摩利寶赤蓮華寶如是自業種種雜色種種音聲無量種身鬱單越人自業力故有無量種雜色樹林山河華池甚可愛樂如心所念種種衆寶之所莊嚴先世善業所化飲食河池林樹周遍莊嚴鬱單越人于鬘莊嚴山處處受樂住此山人名常游戲于鬘莊嚴山常游戲人猶如諸天于夏四月在波梨邪多拘鞞陀樹下歡娛受樂惟除視响身有骨肉及有垢汗自餘悉等復次修行者觀業果法眾生三種惰慢放逸不作善業何等爲三一者恃色而生惰慢二者恃少而生惰慢三者恃命而生惰慢不作身善業不作口善業不作意善業以勝善業上生天中從天還退墮于地獄餓鬼畜生人中之愛如蜜雜毒受第一苦第一繫縛第一惡處愛縛衆生不知生從何來去至何所一切諸欲如甄波迦果初雖少

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

甜後致大苦。猶如覆網衆生不覺墮于險岸。變別大苦如火自焚。壯色不停。如山峻水無常不住。變易衰壞于五道中。無有一處不爲惡業風之所吹流轉。諸有然諸衆生于生死中。猶不生厭觀鬱莊嚴山常遊戲人已。如實知外身復次修行者隨順觀外身鬱單越國復有何等可愛山河華池。彼以聞慧或以天眼見鬱單越有一大山名曰時樂廣千由旬。高三十由旬六時常鮮一者孟冬二者季冬三者孟春四者季春五者孟夏六者季夏于第一時有何等華于孟冬時有常開樹名不合華。次名堅華。次名凍華。次名峰

覆華次名婆佉羅華次名善香華次名無葉華次名鴨音華次名第一華次名可愛華次名涼冷具足華次名淡生華次名夜開華次名第一堅華次名日華是爲孟冬寒時十五種華生時樂山中第二季冬復有蓮華生鬱單越時樂山中以善業故阿提目迦華隨念墮落所謂鳩羅婆迦華次名鉢頭摩華次名鉢摩迦華次名究羅婆迦華次名多香華次名蜂旋華次名三摩柘華次名無憂華次名甄叔迦華次名青無憂華次名不合華次名香拘物陀華次名阿彌茶迦華次名窟生華次名河岸生華次名尼支藍華次

6 7 8 9 10 1 2 3 4 5

6 7 8 9 20 1 2 3 4 5

1 2 3 4 5 6 7 8 9 30 1 2 3 4

名赤華。次名槃邢帝華。次名烏麥華。次名常開華。次  
名百葉華。有如是等二十種華生于季冬及孟春時。  
阿提目迦華等經于一時鬱單越國時樂山中復有  
諸華生于季春謂瞻葡萄次名蘇摩邢華次名善色  
集華次名徒摩羅華次名香華次名蜂蓮華次名除  
飢香華次名尸利沙華次名赤華次名等香華次名  
常香華次名耽婆羅味華次名風萎華次名百葉華  
次名畏日華次名諸蘭帝華次名護色華次名闍智  
羅華時樂山中有如是等二十種華生于季春以鬱  
單越人善業力故時樂山中于孟夏時復有諸華名

岐多迦華次名鳩吒闍華次名賒多槃熙膩華次名  
迦曇槃華次名尼朱羅華次名由提迦華次名蘇摩  
邢華次名龍舌華次名無間愛樂華次名善味華次  
名善香華次名普業華次名一切攝取華次名轉華  
次名鼻境界華次名五葉華次名愛雨華次名愛觀  
華次名塗摩華次名水流華次名雪色華有如是等  
二十種華于時樂山生孟夏時以鬱單越人善業報  
故時樂山中于季夏時復有異華所謂笑華次名蘇  
摩邢華次名常瞻葡萄次名林生華次名虛空轉華  
次名夜可愛華次名一切方華次名流華次名遊戲

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

地華。次名樂華。次名山谷華。次名陸生華。次名迦曇  
 婆華。次名卑陽伽華。次名撫旋華。次名修留毗華。次  
 名多摩羅婆華。次名水華。次名月華。次名陰岸上華。  
 有如是等二十種華生于季夏鬱單越國時樂山中。樹林  
 華果蓮華河池時轉普遍此時樂山如餘山中一切華果。此山常有時樂山中所住之人名曰陀利  
 支摩。復次修行者知業果報云何衆生先業既盡不  
 作新業。而不知于時節輪轉。衆生食命時如大火焚  
 燒命薪時如惡電摧壞命天時如師子啖害人獸時  
 如駛河拔人樹根漂至異處。一切死法不可逃避。云

何衆生而不覺知。不見老病死戲弄破壞一切少壯  
 及一切欲破一切力。一切衆人之所輕笑羸瘦之本  
 能滅眼耳鼻舌身意。涎涕流溢身曲不端。牙齒觸饅  
 骨節筋脈皆悉慢緩不能去來。洒沐清池爲諸平少  
 之所輕毀欲入死城失于氣力。不安隱處不善之地  
 數大小便多樂眠臥衆生云何不見此老而行放逸。  
 以放逸故不見決定當有疾病。以疾病故四大不調。  
 諸根失樂一切筋肉皮血脂膚及以精髓皆悉乾竭。  
 憎一切味不能坐起憶念醫師以求安隱。一切飲食  
 入口皆惡頓乏疲極不能起止。欲多睡眠身體羸瘦。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

惟有皮骨。一切親族及其妻子。不能爲伴。如死怖畏。而此衆生。不知不覺。是修行者觀放逸行。衆生已起悲愍心。以悲愍故。修四梵行。謂慈悲喜捨。是修行者如是觀鬱單越人。起悲愍心。觀身威儀。如賊無異。身如水沫。諸識如幻。富樂如夢。作是觀已。生厭離心。復次修行者隨順觀外身。觀鬱單越復有何等殊勝。可憂山林河池。彼以聞慧或以天眼見鬱單越。有一大山名歡喜持。其山有林。名曰周遍縱廣五百由旬。一切實性之所莊嚴。所謂金性銀性銅性寶性酒性蜜性六味之性。及餘異性。其林普遍毗琉璃華。蔓鬱纏

繞金葉蓮華。白銀爲莖。金銀葉華。毗琉璃莖。蓮華充滿如日初出。有種種鳥莊嚴其池。所謂鵝鴨。次名鴻鳥。次名槃伽鳥。次名金鳥。次名白咽鳥。次名遮沙鳥。次名摩頭求鳥。次名鴛鴦鳥。次名波槃鳥。次名鶴鳥。次名阿嗟鳥。次名槃羅娑鳥。次名提彌羅鳥。次名槃求鳥。次名時鳥。次名畏熱鳥。次名夜行鳥。次名樂鉢頭。摩華空鳥。次名辛頭波鳥。次名住水波鳥。有如是等二十種鳥住蓮華池。過普遍林歡喜持山。半山之中五百由旬。復有五百由旬。名竹岸。人住在此山。其山有樹。名曰軍持。出妙歌音。天女聞之。住空而聽。園

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

林河池蓮華皆悉具足如前所說  
正法念處經卷第六十九

校譌

第三葉九五行

五華字雜亂

第十葉六行

上第一次字提衍文

並未

音釋

鉢

俗書當

舍

古文

汎

俗書本

凹

俗書本

新野信官馬之駿助坐于寒山化城庵

正法念處經卷第七十

元魏婆羅門瞿曇般若流支譯

身念處品第七之七

復次修行者觀諸衆生業之果報如此衆生應當啼哭如何乃作歌舞戲笑而不觀于放逸衆生地獄受苦啼哭悲哀不知衆生愛網所縛以身口意作惡業故墮于地獄餓鬼畜生受大苦報憂悲啼哭受種種苦如其業行墮活地獄黑繩地獄眾合地獄叫喚地獄大叫喚地獄焦熱地獄五種愛故愛于色聲香味觸故爲之所縛流轉在于生死大海如是修行者觀

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

竹岸住人已。如實知外身。

復次修行者隨順觀外身。觀鬱單越。復有何等可愛。山林彼以聞慧。或以天眼見鬱單越。有一大山名曰心順縱廣一千由旬。于此山中常有緊那羅女。于山峯中歌衆妙音。河岸園林平處山谷多有華池。有諸林園所謂岐多岐林。次名龍林。次名那梨岐羅林。次名槃那娑林。次名佉羅林。次名菴槃林。次名無遮林。次名金毗羅林。次名迦卑他林。次名孔雀林。次名俱翅羅林。次名鸚鵡林。次名河池林。次名蓮華林。次名優鉢羅林。次名莘頭波利多林。次名鳩羅槃迦林。次

名命命鳥林。次名多羅林。如是林中一切珍寶美妙之音。一切人聞歡喜受樂。癡愛所覆轉增愛火。若有聞此緊那羅女歌頌之音。百倍增長。若有飢鹿食艸在口。聞此歌音不覺遺墮。飛鳥在樹雙鳥游戲啄食美果。聞此音聲皆悉止住。衆蜂聞聲不飲美味。若有僊人在虛空中聞其歌音卽住不行。如是心順山中緊那羅女歌頌之音甚可愛樂。其山皆是毗瑠璃寶。金銀爲石珊瑚爲樹。真珠爲沙。鉢槃羅池以玻瓈寶爲優鉢羅。多有白鵝。其色如貝。復有諸鹿七寶莊嚴。于園林中有俱翅羅孔雀命命鳥。其音可愛復有池

水衆蜂莊嚴如是心順山中一切衆人若見若聞心生愛樂遍于山上一切男女歡喜戲笑心生悅樂此心順林復有第二可愛之事如須彌山所出光明上照二百由旬心順山中光明上照二千由旬其光白淨金樹光明以毗瑠璃山光力故皆作白色如須彌山王金色光明艸來近之皆作金色如是心順山光令一切禽獸河池華樹皆作白色以心順山光明力故山有人住名曰白人光明亦白住在此山大力端嚴心常歡喜第一清淨妙香塗身華鬘莊嚴歌舞戲笑愛樂音聲不生嫉妒無我所心亦無我慢一切光

明皆作白色種種末香以散其身種種歌舞聞之悅樂如意之樹出香美酒飲之無患隨其所念衣從樹出衣無線縷經緯之別種種飲食種種莊嚴種種衆鳥出妙音聲令人睡息復有妙音種種衆鳥令其覺寤種種華池生種種華如是白光明人受業果相如其所作上中下善業受樂成就

復次修行者隨順觀外身觀此衆生云何現見他善善業盡而就死苦云何不覺初不生苦于受生時父母精血于尿道中識生受胎業風所集和合動之七日一變名阿浮陀阿浮陀中以于先世不殺生故識

6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

心不滅不爛第二七日名伽那身煩惱癡識不壞不滅如是七七日名曰肉搏住在胎中屎尿之間若母動身若母飲食被壓辛苦如壓蒲萄復以業風吹動肉搏肉搏增長生于五胞所謂兩手兩足及頭復以業風所動增長生于膜衣從膜衣中有脉如筍上衝生臟若其母食冷食熱食或美不美從筍孔中入其齋中爲胎中命令其不死如是胎中受大苦惱若子胎中不死不壞爲屎月水之所穢汙十月住胎如在牢獄苦惱逼迫一切身分猶如山壓從胎中出既生之後風日所觸受大苦惱棄之于地隨意捨行自歎

其指指中生乳以自增長而得壽命增長嬰兒轉成盛季漸至衰老時風所滅衆生業故業藏流轉如業所作或善不善諸業成就如此衆生現見業法果報苦惱而猶放逸于生死中苦受之本所謂生也寒熱飢渴疲極病瘦變別離苦怨憎會苦于生死中生爲大苦破壞生具生死流轉無常苦空生滅無我云何鬱單越人而不覺知如此山谷園林擎果河池蓮擎一切皆當無常破壞歸于虛空如是衆生一切皆死生于天上天上命終隨其本業墮于地獄餓鬼畜生是修行者如是觀于業法果報見生死過于白光明

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

人生悲愍心

復次修行者隨順觀外身鬱單越國復有何等可愛山林彼以聞慧或以天眼見鬱單越有一大山名俱賒邪舍縱廣千由旬有蓮華池名曰清涼縱廣五百由旬金色蓮華充滿其中無有泥濁于此池中多有衆蜂鳩鴨鴛鴦以爲莊嚴蓮華池中有天俱賒邪舍之華曼陀羅華林樹華果河谷園林清涼之池如前所說于俱賒邪舍山半山之中五百由旬有九萬四千殿奇特可愛真金爲殿白銀欄楯白銀爲殿真金欄楯玻瓈爲殿毗瑠璃寶以爲欄楯毗瑠璃殿玻瓈

欄楯青寶玉殿碑碣欄楯碑碣寶殿青因陀寶以爲欄楯如是諸寶欄楯互相間錯鈴網彌覆歌舞戲笑妓樂音聲心常歡喜蒲萄蔓覆猶如天中善見大城天善法堂俱賒邪舍莊嚴大山亦復如是凡萬四千殿園林河池樹林華果一切具足俱賒邪舍山中所住之人名曰雜色心常歡喜歌舞戲笑飲食樂故復次修行者觀業果報如是衆生何故不見愛別離苦一切衆生恩愛別離行于異處不知一切皆當死滅隨業受報若有善業生人天中若不善業墮于地獄餓鬼畜生此雜色人心懷放逸不知厭足愛著色

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 12 3 4

聲香味觸樂爲愛所縛。愛河所漂。欲火所燒。而不覺知。無常死滅。入大黑闇。不見老苦。破壞少壯。不見死火。欲來燒人。能令乖離。一切親愛。死如大火。燒人命樹。焚眾生林。

復次修行者。隨順觀外身。鬱單越人。以何業故。生十山中。何等十山。一名僧迦賑山。二名平等峯山。三名勿力伽山。四名白雲持山。五名高聚山。六名鬘莊嚴山。七名因陀羅樂山。八名歡喜持山。九名心順山。十名俱賒邪舍莊嚴山。彼以聞慧。或以天眼。見此衆生前世善業。生此山中。不殺不盜。不婬姪。不飲酒。行十

善業生此山中

復次修行者。觀業果報。以何業故。彼諸衆生。色力形相勝。餘衆生。彼以聞慧。或以天眼。見此衆生。正見行施。心不詭曲。不惱衆生。直心憐愍。順法修行。親近正法。以是因緣。身壞命終。生于善道。四天王天。三十三天。于彼命終。生于此間。此間命終。生于彼處。

復次修行者。觀業果報。此諸衆生。以何業故。而受勝報。彼以聞慧。或以天眼。見此衆生。以前世時。于怖畏者。施以無畏。見人就死。出于右門。反縛而出。將至冢間。打惡聲鼓。遣旃陀羅。欲斬其命。贖之令脫。以是因

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

緣身壞命終。生于善道。若四天王。三天十二天。若夜摩天。

復次修行者隨順觀外身。此諸衆生以何業故。于勝天中勝于餘天。色相可愛。衆人供養。彼以聞慧。或以天眼見此衆生于前世時。樂聞正法。聽佛正法。聖法。毗尼。讀誦佛法。乃至一偈。讀誦思惟。以聞一句正法。因緣作轉輪王。主四天下。從此命終。生于天上。一返二返乃至七返。于六欲天。謂四天處。三十三天。夜摩天。兜率陀天。化樂天。他化自在天。從天命終來生此間。以善心故。受于色聲香味觸樂。還生天上。天上命終。先聞法故。于未來世得初禪定。生梵身天。若梵衆天。若大梵天。復以聞法種子。因緣力故。于未來世得第二禪。從此命終。生少光天。無量光天。光音天。復以聞法種子。因緣力故。于未來世得第三禪。生遍淨天。福德生天。復以聞法修行。因緣難問。思惟于未來世得第四禪。以離著智火燒煩惱樹。生無量善天。遍善天廣果天。復以聞法因緣種子。修行讀誦。問難思惟。表見說令住。正見盡一切有度于險難。得緣覺道。若發阿耨多羅三藐三菩提願。則成無上正覺明行足。善逝。世間解無上士。調御丈夫。天人師。佛世尊。以

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

聞正法因緣力故聞正法者謂聞布施持戒以爲根本何以故此聞法者若在家出家聞布施果既了知已而行布施知布施果聞持戒果而持禁戒聞智慧果修習智慧聞已卽得生天終得解脫是聞法者生天涅槃之種子也于一切施若資生施若無畏施若以戒施聞正法施最爲第一若聽正法第一持戒若聞正法爲他人說令捨不善令法增長是正法父復次修行者隨順觀外身過鬱單越復有何等人住彼以聞慧或以天眼見鬱單越北有國縱廣一千由旬一名迦賒毗利縱廣三百由旬有河名迦賒毗利

人所住處亦名迦賒毗梨河池蓮華華果園林枝葉相覆如前所說過此國已有河名阿彌多其邊縱廣七百由旬園林華池皆悉具足亦如前說阿彌多河邊有五國土一名天冠池國二名波羅賒池國三名鬘衣國四名孔雀音國五名山澗住國天冠池國縱廣一百五十由旬波羅賒池國縱廣一百五十由旬其鬘衣國縱廣二百由旬孔雀音國縱廣一百由旬山澗住國縱廣一百由旬復有十國一一國土各百由旬何等爲十一名拘登伽國二名持香國三名黑腹國四名轉目國五名山陰岸國六名順行國七名

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

四方國凡名圓國。九名髮覆國。十名僧伽多國。復觀此國河池園林華果具足。亦如前說。彼洲四方人面亦然。如閻浮提人面像大洲上廣下狹。鬱單越人面像大洲亦復如是。觀鬱單越國一切洲渚山谷園林華果河池禽獸具足。如是觀已。如實知外身。

復次修行者隨順觀外身過鬱單越國瞿陀尼國二國中間。復有何等山林海渚。彼以聞慧或以天眼見鬱單越國瞿陀尼國二國中間。有一大海。名曰普眼廣一萬由旬。有一水眼廣一由旬。龍勢力故。過此大海。有一大山。名游戲蔓縱廣十千由旬。色如聚墨龍。

氣燒故過此山已有。一大海。名貝思彌。縱廣一千由旬。多有大魚。堤彌魚堤彌鯢羅魚軍毗羅魚那迦羅魚。如是等魚充滿海中。其海甚深。見者怖畏。于此海中有樂住龍離于瞋恚。過此大海。有一大海。名曰水雲縱廣十千由旬。于此海中大波涌出。或十由旬。二十由旬。三十由旬。過此海已有。一大洲。名真珠蛤多。有真珠。若魚若龍。于水中死棄于此洲。其洲縱廣一千由旬。過此洲已有。一大山。名曰寶山。縱廣正等五千由旬。七寶山峯毗瑠璃等。猶如第二須彌山王。過此山已有。甄叔迦林縱廣二千由旬。種種園林華果。

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

具足過此林已有一大山縱廣五千由旬金蓮華池  
鵝鴨衆蜂出眾音聲過此山已有一大海縱廣十  
由旬金色之水充滿其中出金色光海有金山名曰  
金水高五百由旬過此山已有瞿陀尼縱廣九千由  
旬有十億聚落一萬二千城第一大城其數五百如  
閻浮提有三百餘大城所謂波吒梨弗多城如是瞿  
陀尼大雲聚等五百大城其大雲聚城縱廣十二由  
旬四交街巷屋宅樓閣充滿城中住于中國第一大  
城名曰百門次名欄楯次名泥目羅次名光明次名  
山谷有如是等第一大城攝于中城復有大國名伽

多支次名僧差那多國次名摩尼國次名銀國次名  
旃國有如是等第一大國譬如閻浮提中第一大國  
謂迦尸國憍薩羅國摩伽陀國瞿陀尼國第一國土  
亦復如是次有中國謂泥棄羅國次名單持國次名  
遮都羅國次名俱蘭荼國次名鞞多槃國次名窟行  
國瞿陀尼界有如是等第一中國有二十五國攝一  
切國如閻浮提十八大國瞿陀尼國有五大河一名  
廣河二名均周師波帝河三名月力河四名樂水河  
五名僧岐那河如閻浮提四大河所謂恒伽河革頭  
河雙叉河斯陀河瞿陀尼國有五大山何等爲五一

6 7 8 9 10 1 2 3 4 5

6 7 8 9 20 1 2 3 4 5

6 7 8 9 30 1 2 3 4 5

名龍飛山二名三峯山三名珠門山四名百節山五  
名堅山如闍浮提中有四大山何等爲四一名雪山  
二名毘陀山三名摩羅邪山四名雞羅婆山瞿陀尼  
國有三大池一名溪岸池二名無間池三名放光池  
如闍浮提阿那婆達多池及瞻波池

復次修行者隨順觀外身觀瞿陀尼何所受用彼以  
聞慧或以天眼見瞿陀尼多饒牛犢一切女人皆有  
三乳如闍浮提女人十月乃產瞿陀尼人亦復如是  
如闍浮提女人二乳流汁瞿陀尼女人三乳流汁亦  
復如是如闍浮提園林具足華果河池一切具足其

果半味其華半香河水半味

復次修行者隨順觀外身衆生何業生瞿陀尼以下  
中業生瞿陀尼彼以聞慧或以天眼見餘生處少戒  
少施少業少順法行云何少戒于前生處以貧窮故  
受雇持戒或畏刑罰非清淨心禮佛法僧親近國王  
得財布施以近王故不讀誦經施非福田貪表見人  
謂爲福田十善垢濁行不清淨業因緣故闍浮提死  
生瞿陀尼如是不知善不善故食半味食少智少慧  
貪著女人先業因緣生瞿陀尼一切衆生以業藏故  
由業故行業故流轉如其所作善不善業得如是果

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

若作善業生人天中。若不善業墮于地獄餓鬼畜生以業因緣得相似果。如種種子譬如種穀得穀種麥得麥。稗子生稗。如以種子種于薄地收果減少。若以種子種之良田多收果實。如種赤稻不生餘物種豆得豆種甘蔗者則得甘蔗。以田勝故得果亦勝。如三種田一者福田施二者福田苦施三者苦施。福田施者名之爲上。福田苦施名之爲中。苦施爲下。除思功德譬如外三種田一者饒石亦多水衣名爲中田二者其水豐足無有艸穢又無水衣亦無寇賊名爲上田三者多有水衣艸穢其水不調又多寇賊是名下

田。若諸田夫勤加功力則得果實此內外法以業藏故隨業流轉業轉而行各各勢力各各因緣各各受生瞿陀尼人不修淨業故生于此處命終自業流轉生死如是修行者觀外法業已如實知外身

復次修行者隨順觀外身過瞿陀尼復有何等山河海渚彼以聞慧或以天眼見瞿陀尼國弗婆提國兩洲中間有一大海名清淨水縱廣一萬二千由旬。清水平滿多有螺貝。提彌魚。提彌鯢羅魚。那迦魚。摩伽羅魚。軍毗羅魚失收摩羅魚魚亦青色過此海已有珊瑚山縱廣五千由旬毒害眾生住在山中過此山

已有熱水海。多有毒蛇。毒蛇氣故令海水熱無有一衆生以蛇毒故。衆生皆死。以毒熱故過此海已。有一大海名曰赤海。縱廣一萬五千由旬。龍阿脩羅住此海下。以飲食故互相瞋恚。常共鬪諍。有龍名曰摩利耶。有阿脩羅名僧伽多。過此海已。有一大洲名羅刹女國。縱廣二千由旬。有羅刹女名曰長髮。住在此洲。啖食火燒香華及肉。一念能行二千由旬。常求人便。心常憶念是羅刹洲骸骨血肉。狼藉穢臭充滿其洲。過此洲已。有一大洲名毗舍遮鬼女國。縱廣五千由旬。毗舍遮鬼名曰髮覆住。在此洲過此洲已。有一

大山。名曰饒山。縱廣五百千由旬。多饒樹林。所謂邢梨。吱羅樹。次名波那婆樹。次名無遮果樹。次名多羅樹。次名多摩羅樹。次名卑邪羅樹。次名俱羅迦樹。次名陀婆樹。次名佉提羅樹。次名提羅迦樹。次名阿殊那樹。次名迦曇婆樹。次名泥茶羅婆樹。次名佉殊羅樹。次名菴婆羅樹。次名卑未槃陀樹。次名槃多利樹。次名婆吒樹。次名甄叔迦樹。次名龍樹。次名無憂樹。次名斯鄰陀樹。次名哎多迦樹。次名迦尼迦羅樹。次名阿提目多迦樹。次名那浮摩利迦樹。次名波吒迦樹。次名波吒羅樹。次名迦卑他樹。次名毗羅婆樹。次

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

名天木香樹。次名波頭摩樹。次名瞻波迦樹。次名迦羅毗略迦樹。次名青無憂樹。次名鳩羅槃迦樹。次名軍陀樹。次名娑陀羅樹。次名鳩吒闍樹。多有如是種果樹。處處流泉捷闍婆王游戲彼林。過此山已有一大海。縱廣五百由旬。名曰乳水。其水色味如乳無異。海有大魚長五由旬。住在海中。過此海已有一沙山。縱廣一千由旬。無有林樹。及諸藥艸。過此山已有一大海。名曰龍溝。縱廣六千由旬。海有諸龍。名旃遮羅。住此海中。自相鬪諍。樂注大雨。過此海已。有一大海。名毘無陀羅。縱廣二千由旬。其水不動。清淨湛然。

多有軍毗羅魚。那迦羅魚。失收摩羅魚。螺貝之屬。復次修行者知業法。果彼以聞慧。或以天眼見。如說處。山河海渚林樹之處。無有一處不生不死。不生不滅。一切恩愛無不離別。無有一處非業故行。無有一處而非業藏。無有一處非業流轉。受自業果。或生或死。無有山河海渚非生死處。山河海渚無鍼鋒許。非我生處。百千千億億億百千生死之中。皆愛別離。怨憎合會。百千千億億億百千生死之處。墮于地獄餓鬼畜生。無始無終。貪瞋癡網之所繫縛。流轉生死。是故應當厭離生死。勿生貪著。此生死者。甚爲苦惱。久

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

受堅牢。痛苦難忍。老死憂悲苦惱愁毒。一切有生必當墮落。歸破壞門于生死中。無有少常。譬如日出無有少闇。觀生死中亦復如是。如是修行者觀外身。如實知外身。

復次修行者隨順觀外身過平等海復有何等山河海渚。彼以聞慧或以天眼見弗槃提國縱廣凡千由旬。多有眷屬小洲具足聚落城邑河池林樹洲渚山窟行列樹林華果禽獸一切具足。有六大山。一名大波賒山。二名新鬘山。三名孔雀集山。四名獸谷山。五名海高山。六名真珠鬘山遍弗槃提如闍浮提有四

大山如前所說。大波賒山縱廣三千由旬。于此山中有三大林。其一一林皆悉縱廣一千由旬。一名須彌林。二名流水林。三名谷鬘林。眾樹具足所謂呵梨勒樹。次名平面樹。次名谷生樹。次名枝等樹。次名岸生樹。次名石生樹。如闍浮提樹說住此山者名火髻人。山中有河名婬盧河。次名流沙河。次名陻流河。次名速流河。次名龍水河。次名光林河。次名征迦河。第二。大山名曰林鬘縱廣一千由旬。此山有林名鳩吒林。次名林行林。次名天木行林。次名煙林。次名久棄林。山中有河。一名多羅覆。次名角圍河。次名婁水河。次

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

名攝念河。次名煙笑河。林曼山中所住之人名俱知羅。

復次修行者觀第三山名孔雀聚縱廣千由旬。此山有四大林。一名雲林。二名百池林。三名高吼林。四名真珠輪林。復有大河所謂泥均輪陀河。次名大喜河。次名愛林河。次名先流河。次名吉河。于孔雀聚山有住人名曰青咽。

復次修行者觀弗槃提有第四山名獸谷。此山有名闍知羅林。次名可愛林。次名彌伽林。華果具足亦如前說。林中有河名涅茂迦。次名普笑。次名歌羅羅。林

中有獸名曰調伏。次名普影。次名毛獸。文名見走。次名爲馬。次名無道。次名僥獸。次名多羅頭擎。次名奸耳。次名象頭。次名第一兒。次名愛影。次名兔毛。次名駝身。次名黑尾。次名白頭。次名端正。次名蛇舌。次名狗牙。次名伽婆邪。次名鉗槃。次名雄井井。如是等獸闍浮提中或有或無。獸谷山中園林流池。華果樹木一切具足。亦如前說。一切林池如闍浮提住獸谷山人名曰速力。

復次修行者觀弗槃提國有第五山名曰海高縱廣一千由旬。園林流池。華果具足。亦如前說。此山有林

名曰三滴林次名咽喉閉林次名山林林中有河名曰三角次名高喚次名石聲人住海高山者名遮株羅觀海高山已如實知外身

復次修行者隨順觀外身觀弗槃提有何等山彼以聞慧或以天眼見第六山名真珠鬘縱廣千由旬園林流池周遍具足種種華果禽獸具足亦如前說真珠鬘山出一大河名不見岸廣一由旬有人住在真珠鬘山名曰普眼如是弗槃提六山圍繞弗槃提國有三大城一名善門城二名山樂城三名普遊戲城一一大城廣三由旬中下之城有六十三有一中城

名鳩吒舍次名大波舍次名普吼城有如是等中城之中第一最大下城名一切負次名大音城次名曠野孔穴城有如是等小城之中第一最大復有三億五十萬三千五百五十六聚落第一聚落名迦尸摩羅次名水沫次名根村次名樹啼村次名一切人次名葉聚落次名毗頭羅次名波迦村次名毗吒聚落次名摩摩聚落次名刪提次名伽吒甕次名徒呵次名林聚落次名赤旋次名阿叉次名風吹次名鬘村次名頂樹次名黑飯有如是等第一聚落此等衆人其面圓滿像地洲形闊浮提人耳髮莊嚴鬘單越人

眼爲莊嚴瞿陀尼人項腹莊嚴弗槃提人肩膀莊嚴  
四天下人自身莊嚴

復次修行者觀業果報衆生何業生弗槃提有上中下業彼以聞慧或以天眼見此衆生先世不知業法果報以不知故施非福田或難乞求亦乃施與或勤苦求亦如前說以此業故名下品生若有衆生持中品戒若近國王法故不殺衆生非清淨心以此因緣身壞命終生于天上從天命終生弗槃提名中業生上人上業聞于正法受持讀誦爲他人說而生隨喜如說修行無有一法能度生死險道曠野如聞正法

受持讀誦爲他人說諸施中勝所謂法施第一持戒謂聞正法聞正法智最爲第一正法者亦如前說觀弗槃提業果報已如實知外身

復次修行者觀弗槃提內復有何等山河海渚彼以聞慧或以天眼過弗槃提凡千由旬見有大山名曰慈石縱廣三千由旬此山四面一萬由旬有微少鐵名曰波行圍繞五山猶如環鉶何等爲五一一名鐵口山二名大藏山三名多吒迦山四名蛇多山五名歡喜山過此山已有一大洲名陀吒迦曼荼縱廣二千

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

由旬多有夜叉緊那羅住在此洲河池樹林華果具足甚可愛樂間浮提中弗槃提中所有禽獸此洲悉有過此洲已有一大海名多星宿海中有山名憂陀延有十三峯繞此大海去須彌山不遠外道說言與闍浮提人善不善業爲增上緣善不善風于憂陀延山中出于星宿諸槃羅門外道論師失于業報不知真諦于人王所說言星宿諸曜所作非業果報是諸外道槃羅門論師表見倒說星曜所作非業果報若星曜所作非業果報日月勝故善不善時節流轉一切時節而有華果日月若勝何故日月爲餘曜所覆

所謂日蒼槃奴月羅睺一切星宿爲曜所覆曜爲餘覆以是善不善故宿曜亦有善不善業是故善不善業衆生自業非星曜作

復次修行者隨順外身觀曜星宿見業果報非曜等作觀多星宿海已觀須彌山憂陀延山峯已如實知外身

復次修行者觀多星宿海縱廣七千由旬過此海已有諸神德住在此洲山河樹林華果具足如闍浮提其洲縱廣三千由旬僊人夜叉之所住止一切如意樹華果具足過此洲已有大圍山及有大海三千由

旬在闍浮提弗槃提二國中間。如是大海名冷暖水縱廣三千由旬。多有螺貝。提彌魚。提彌鯢羅魚。那迦羅魚。摩伽羅魚。失收摩羅魚。龜鼈之屬住大海中。過此山海有一大海名曰赤海。去闍浮提不遠。縱廣五千由旬。赤水滿中多有大魚。其魚赤色互相食啖。以魚血故令海水赤。故名赤水。過此海已有一大海名曰清水。縱廣七千由旬。山河具足。多有大魚。第一極深。過此海已。有一大海名曰寶渚。縱廣三千由旬。一切衆寶集在此渚。金沙。碑磲。真珠。珊瑚。蘇摩羅寶種種具足。有摩偷果。名亂心毒。生在樹上。若闍浮提人

取果食之。七日如死。若有飛鳥食之。卽死。過此渚已有一大海名曰鹽。縱廣七千由旬。多有螺貝。真珠。蚌蛤。提彌魚。提彌鯢羅魚。軍毗羅魚。那迦羅魚。充滿其中。復有諸龍。夜叉。羅刹。毗舍遮鬼。皆住水中。水下多有無量諸山。此闍浮提洲五百小洲。以爲圍繞。略說勝者。所謂金地洲。次名寶石洲。次名幢鬘洲。次名迦耶洲。次名螺貝洲。次名真珠洲。次名圍洲。次名光明洲。次名翳沙波陀迦洲。次名康白洲。次名普賢洲。次名心自在洲。次名黑雯洲。次名香鬘洲。次名三角洲。次名須摩拏洲。次名賒那斯都洲。次名阿藍迦洲。

名楞迦洲有十二山。羅刹所住。次名彌留。毗羅迦洲。次名山住洲。次名赤貝洲。次名赤眞珠洲。次名雪旋洲。次名沙塵繞洲。次名無道洲。次名五銅洲。次名覆翳沙波陀洲。次名丈夫洲。闍浮提界說。如是等最勝小洲。此闍浮提縱廣七千由旬。周遍可愛。如前所說。復次修行者隨順觀外身觀。日月光照何等處。彼以聞慧。或以天眼見。日月光照須彌山王四面四天下及照大海。照須彌山王。凡萬四千由旬。光照山側。但周其半。研迦娑羅金剛之山。周圍二十六億由旬。難

忍業火燒然。金剛研迦娑羅山乳海之水。近則成酪。轉近此山。則成生酥。漸漸復近。則成熟酥。漸漸近之。爲地獄火燒之磨滅。是故不滿闍浮提等。是修行者觀于欲界。如實見之。厭離欲意。不見一處。常不破壞。不變易法。于一切處。無始生死。自業果報。因緣力故。自業果報之所戲弄。無有一處。不生不死。若百若干。若百千返。無量無邊。生死無間。觀內外身。厭離欲愛。于色聲香味觸心。不愛樂。如是耶羅帝娑羅門長者。聚落修行比丘。修身念處。不住魔境。聞說如是念處。已有衆多人破我見垢。無上法中。得法眼生。說身念

處無上之法若干山谷若在山窟若在家間若在露地若艸竢邊修學禪定無得放逸于命終時致有悔恨是我所教時諸比丘聞世尊說皆大歡喜于世尊說生信樂心歡喜奉行

正法念處經卷第七十

校譌

十二葉三行四行

疑有闕誤未正

常不

音釋

岐去智竹

俗書當作霍霍


積俗書積

字音恣

明萬曆癸丑相月哉生明迦羅越趙宦光

新野信官馬之駿助刻于寒山化城菴





6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

日本書院藏

